





五事或十餘事惟在
極不肯者分別明白列於
施行毋得遲違未便須至



右
印



金石例序



金石例者蒼崖先生所述也凡碑碣之製始作之本銘志之式辭義之要莫不做古以為準以其可法於天下後世故曰例而其所以為例者由先秦二漢暨唐宋諸大儒皆因文之類以為例至夫節目之詳率祖韓愈氏大書特書不一書彪分疇列其亦倣乎春秋之例也與甚矣先生有功于

斯文也先生世居中州以文學鳴國初士之為文者猶襲纖巧其氣萎蕩不振先生患其久而難變也乃述是書以授學者使其知古之為文如此粲然畢舉如示諸掌故歷事六朝出入翰苑餘二十年凡經指授者皆有法度朝野至今稱之至正四年春先生之子敏中來為饒理官好賢下士文雅有父風其於先生手澤尤加慎重以

本之與於斯文也俾之次第而讐校之刻之梓以永其傳嗟呼先生不以崇高自居而加惠於後學敏中不以勢利相尚而盡力於遺書有子如是先生為猶生矣後之人當知是書有功於斯文不細也先生姓潘氏韓昂霄字景梁學者稱之曰蒼崖先生官至翰林侍讀學士通奉大夫謚文僖有蒼崖類藁若干卷云至正五年春三月

鄱陽後學楊本叙

聖人春秋褒貶著於筆削者謂之例國家
政刑賞罰見於制度者謂之例是皆以其
可為法於天下後世也濟南文僖潘公蒼
崖先生取古昔碑碣鐘鼎之文提綱舉要
條分類聚定為十卷名曰金石例一卷至
五卷則述銘志之始而終貴賤品級塋墓
羊虎德政神道家廟賜碑之制度必辨焉
六卷至八卷則述唐韓文括例而於家世

宗族職名妻子死葬月日之筆削特詳焉
九卷則先正格言十卷則史院凡例制度
筆削於此又可以槩見焉使世之孝子慈
孫觀其制度之等則思得為而為不得而
不為而於事親之道不至違禮矣觀其筆
削之旨則思孰為可傳孰不可傳而於揚
名之道有以自力矣是豈惟為文者之助
於世教將重有補焉公之子敏中來官于
饒出是書以示余因得以觀夫公之篤意
斯文而又喜斯文之有賢子以傳也遂為
之引至正乙酉春三月望賜同進士出身
將仕郎前慶元錄事鄱陽後學傳貴全序

文章先體製而後論其工拙體製不明雖操觚弄翰於當時猶不可況其勒於金石者乎陸士衡文賦論作文體製好古博雅之士皆不可以不之考也然而自上徂下貴賤有等名器亦因之而異數叙事紀實抑揚予奪必當有所法自非類聚而通考之何以見之哉翰林蒼崖先生潘公雄文博學為當世為推嘗歷攷古今文辭提綱

舉要萃為一編名曰金石例凡為文之槩
度制器之楷式開卷瞭然其用心亦勤矣
公之子敏中寶其手澤罔敢失墜宦游四
方必載與俱其在番易復刊是編以廣其
傳且與吾黨共之噫公掌制司文衡其所
以藻飾太平者已無所不盡其忠敏中克
承家學益彰其親之美斯亦繼志述事之
孝者乎忠孝萃於一門文物昭於盛世使
夫為人臣為人子皆有所矜式實有功於
名教豈特為文之助而已哉余故表而出
之以冠篇端云至正五年春三月饒州路
儒學教授桐川後學湯植翁序

三代無文人六經無文法儒者有是言也
然春秋大義數十以褒貶寓於一字之間
傳者謂其發凡以言例皆經國之常制周
公之垂法諸稱書不書先書故書不言不
稱書曰之類皆所以起新舊發大義謂之
變例至謂發傳之體有三而為例之情有
五然則謂無法可乎後世之文莫重於全
石蓋所以發潛德誅奸諛著當今示方來

者也如是而不知義例其不貽鳴吠之謂也
也幾希翰林蒼崖潘先生動必稽古取先
代碩儒所為文類而集之題曰金石例視
傳春秋者所言如合符節俾夫攷古者知
古人用意之所在而學古者有所矜式而
不敢肆其嘉惠斯文不其至乎至正丁亥
予忝教番易公之子敏中為理官嘗屬郡
士楊本端如緝其次第既已刻于家而公
諸人學之賓師景陽吳君旭子謙吳君以
牧謂此書將歸中州則邦之人焉能一一
而見之哉盍列之學官以垂永久乃復加
校正而壽諸梓於乎古人吾不得而見之
矣得見古文斯可矣明年戊子夏六月既
望廬陵王思明謹叙

蒼崖先生金石例目錄

鄱陽楊本編輯校正

廬陵王思明重校正

卷之一

碑碣之始

墓誌之始

碑碣制度

墓誌制度

墓表制度

石人羊虎柱制度

墓圖

古今碑石同異

卷之二

金石文之始

碑式

碑陰文式

德政碑之始

德政碑式

墓碑式

神道碑之始

神道碑式

家廟碑式

先廟碑式

先塋先德昭先等碑之始

先塋先德昭先等碑式

賜碑名號之始

賜碑名號式

卷之三

碣式

墓碣式

誌式

墓誌式

墓誌式

殯誌式

權厝誌式

歸柩誌式

墓版文式

卷之四

銘文之始

銘式

墓銘式

墓誌銘式

墓碣銘

墓甄銘

壙銘式

卷之五

古墓表式

今之墓表式

墳記式

誄式

行狀式

論行狀語錄

名號稱呼類

時忌字樣類

書碑額例

書碑陽例

書碑陰例

僧碑

論碑文合書不合書

書銘陰例

卷之六

韓文公銘誌括例

自宦業俊偉者叙起而以世系妻子居後

自急流勇退者叙起次履歷家世而以死葬居後

自事契叙起次履歷家世子女而以葬年月日居後

先叙姓字三代次履歷而以妻子居後

先叙家世

不書家世而書履歷

不書家世履歷而言丹砂之害

先叙死年月起

先叙死者葬地

先叙姓名履歷而以三代妻子居後

無履歷可叙者

僅有初筮可書者

叙文詞之盛者

自賜廟叙起

自乞銘叙起

有誌無銘

述其妻子之辭

法楊子雲造語

王臨川以為銘之奇者

樓迂齋所取者

賜廟碑體

郡王碑體

公相銘誌體

節度觀察刺史誌銘碣

御史卿監郎官墓誌

博士附

州縣官誌銘

處士誌銘

幼殤誌銘

卷之七

宗族姍黨稱呼例

書上代例

書曾祖例

書曾伯姍祖例

書祖例

書父例

書母例

書伯姍例

書伯姍母例

書兄弟姊妹例

書姊妹夫例

書妻例

書子男例

書女婿例

書舅姑例

書外家例

職名例

有出身必書例

內職必書例

書除授例

家世例

書三代例

不書三代例

歷書世系例

書三代及其兄例

書三代不名而及其女兄與甥例

不書曾祖而書六代祖及祖及父例

不書曾祖而書祖書父例

不書曾祖祖而書六世祖及父例

不書曾祖祖而書七世祖及曾伯祖及父例

不書曾祖祖而止書其父例

不特書父而書大王父王父伯例

書上世并書其母例

書二母例

書三代并書其母例

書三代并書其母其舅例

書父并其母舅不及上二代例

書十一世祖及父及母例

書父及母及兄弟而不及上世例

書婦女家世例

書三代例

書祖書父及其舅其夫例

書父及其夫其子例

書兄弟例

書兄及弟例

書妻例

書妻及曾祖祖下書妻之父例

書妻及妻之祖父不書妻曾祖例

書妻及妻之父不及其曾祖祖例

書妻及妻之父及曾伯父例

書妻及妻妯祖不書其祖父例

不書妻祖父例

因葬書妻例

因附葬書妻例

書再娶例

書三娶例

書婦德例

書子女例

書子女不名例

子書名女不書名例

子女並書名例

書子女及婿例

不書婚姓名例

書子女婚及外孫例

書異母子女例

書子而無女例

書子女年歲例

書女出家例

書子女生於死後例

書過房子例

書子文學材質例

書無子例

卷之八

書死例

書死于官著年月日例

書死于官不書年月日例

書死于家著年月日例

書死于中道外州著年月日例

書死于中道外州不書年月日例

書病死例

書不病而死例

書死而不書死之地例

書死而不書死之歲月例

書生死年月日例

書病死例

書死不書病例

書死為薨例

書葬例

書勅葬例

書詔許還葬例

書自他州迓葬例

書葬他州例

書葬祖父墓域例

書夫祔妻墓例

書妻祔夫墓例

書合葬例

書各葬例

書因某人歸葬例

書本月內葬例

書本年内葬例

書明年葬例

特書某年葬例

不書年月日例

不書葬地例

書某月幾日不書甲子例

書某月甲子即不書幾日例

卷之九

論古人文字有純疵

論作文法度

學文凡例

論作文當取法經史造語

制式

擬制之始

擬制之式

誥式

擬誥之始

擬誥之式

詔式

擬詔之始

擬詔之式

表式

擬表之始

擬表之式

露布

擬露布之始

擬露布之式

檄式

擬檄之始

擬檄之式

箴式

擬箴之始

擬箴之式

銘式

擬銘之始

擬銘之式

記式

記以紀事其式不一觀古人諸記可見矣故不具

擬記之始

擬記之式

贊式

擬贊之始

擬贊之式

頌式

擬頌之始

擬頌之式

諸跋

郝伯常先生編類金石八例

蒼崖先生十五例

卷之十

史院纂脩凡例

聖旨詔例

元正朝賀

外國來賀

車駕飛教

車駕行幸

嶽瀆降香

聖節朝賀

諸王稱稱

皇屬除拜

內庭宴集

大會諸王

神祇祭享

百官拜罷

百官除目

蒙古言語

誅殺罪人

錫宴犒勞

甲子日分

天地災異

奏除臣僚

奏對陳言

陞加散官

征伐收撫

外國君長

營造工作

臣下奏事

臣僚薨卒

蒼崖先生金石例目錄

蒼崖先生金石例卷之一

鄱陽楊本編輯校正

碑碣之始

禮記檀弓下季康子之母死公肩假曰公室視豐碑

註言視者

持僭天子也豐碑斲大木為之形如石碑於椁前後四

角樹之穿中於間為鹿盧下棺以繹繞天子六繹四碑

前後各重三家視桓楹註時僭諸侯諸侯下天子也斲

鹿盧也之形如大楹耳四植謂之桓諸

侯四繹二碑碑如桓矣大夫二繹二碑士二繹無碑疏

視比擬之辭也斲大木為形如石碑者禮朝廷有碑故

祭義云牲入麗於碑儀禮每云當碑揖士此云豐碑故

知斲大木為碑也云於椁前後四角樹之者謂椁前後

及兩旁樹之角落相望故云非正當四角也穿去碑中
之木令使空於空間著鹿盧兩頭各入碑木云下棺以
綽繞者綽即紼也人各背碑負紼末頭聽鼓聲以漸却
行而下之案春秋天子有隧以羨道下棺所以用碑者
凡天子之葬掘地以為方墳漢書謂之方中又方中之
內先累椁於其方中南畔為羨道以蜃車載柩至墳從
而載以龍輜從羨道而入至方中乃屬紼於棺之緘從
上而下棺入於椁之中於此時用碑紼也○又云以言
視桓楹不云碑知不似碑形故云如大楹耳通而言之
亦謂之碑也四植謂之桓者案說文桓亭郵表也謂亭
郵之所而立表木謂之桓即今之橋旁表柱也今諸侯
二碑兩柱為一碑而施鹿盧故云四植謂之桓也周禮
桓圭而為雙植者以一圭之上不應四柱但塚為二柱
象道旁二木又宮室兩楹故雙植謂之桓也大夫亦二
碑但柱形不得鹿盧
所以異於諸侯也

韻會舉要碑字

註說文豎石紀功德從石卑聲徐曰按古宗廟立碑以
繫柱耳後人因于其上紀功德此碑字從石秦以來制
也七十二家封禪勒石不言碑七十二家封禪之言始
于管仲不言碑穆天子傳乃為名迹于弇茲石上亦不
言碑也銘勒功德當始于宗廟嚴牲之碑也又祭義廉
牲疏賈氏曰官必有碑士昏禮聘禮入門當碑揖則大
夫士廟內皆有碑鄉飲酒鄉射三揖則庠序之內皆有
碑據祭則諸侯廟內有碑碑所以識日景觀碑景邪正
以知早晚宮廟用石為之葬碑取懸繩綽暫時往來運
載當用木而已喪大記註天子用大木為碑謂之豐碑
諸侯樹兩大木謂之桓楹檀弓註鄭氏曰斲大木形如
石碑于椁四角樹之穿中為鹿盧下棺以綽繞天子六
綽四碑諸侯四綽二碑士二綽無碑又釋名曰碑被也
葬時所設臣子過述君父之功以書其上徐曰劉熙言

起于懸棺之碑者蓋今神道碑也初學記碑悲也所以悲往事今人墓隧宮室之事通謂之碑矣

事祖廣記云管子曰無懷氏封泰山刻石紀功秦漢以來

始謂刻石曰碑蓋因喪禮豐碑之制也刻石當以無懷

為始而名焉自秦漢也陸龜蒙叢自書曰碑悲也古者懸而窆用木書之以長其功德

因留之不悉去碑之名由是而得自秦漢以降生有功德政事者亦碑之而又易之以石失其稱矣此又德政

有碑之起也陸法言廣韻曰碑碣李斯造宜始于嶧山之刻爾釋名曰本葬時所設臣子追述君父之功以書

其上

事祖廣記云古之葬有豐碑以定秦漢以來死有功業生

有德政者皆碑之稍改用石因總謂之碑晉宋之世始

又有神道碑天子及諸侯皆有之其刻文止曰某帝或某官神道之碑今世

尚有宋文帝神道碑墨本也其初由立之于葬兆之東南地理家言以東南為神道故以名碑爾按後漢中山

簡王堯詔為之備塚塋開神道註云墓前開道建石柱以為標謂之神道是則神道之名在漢已有之也晉宋

之後易以碑刻云

墓誌墓碑文詞各異如云千歲之後陵谷變遷知其為良吏之擴其勿毀焉又云兩牘鴈行同

域也而不同歲之類止可施于墓內不可作碑用如文詞有可通用則或為墓誌或為墓道之碑亦可也但碑

上不言誌字止曰某官某人墓碑或曰墓碣

墓誌之始

事祖廣記云炎穀子曰齊王儉云石誌不出禮經

石誌作子誌

○按齊太子穆妃將葬議立石誌王儉曰石誌不出禮經起宋元嘉中顏延之為王

球一作王彌作墓誌以其無銘誅故以紀行自爾遂相祖習

然魏侍中繆襲改葬父母制墓下埋文將以陵谷遷變欲後人有所聞知但記姓名歷官祖父姻媾而已有德

業則為銘文又隋代醜家于王戎墓得銘云晉司徒安豐元公王君之銘有數百字則魏晉已有其事不起于

宋也馮鑑續事始云按西京雜記前漢杜子春一作杜子夏臨終作文命刻石埋于墓前恐墓誌因此始也承

謂昔吳季札之喪孔子銘其墓曰嗚呼有吳延陵季子之墓莊子衛靈公葬沙丘掘得石椁銘曰不馮其子靈

公奪而理之唐開元時人有耕地得此于墓誌刻其文以銅盤曰右林左泉後岡前道萬世之靈茲焉是保漢

滕公夏侯要得定葵石銘曰佳城鬱鬱三十年見白日吁嗟滕公居此室則墓之有誌其來遠矣

碑碣制度

諸碑碣其有皆須實錄不得濫有褒飾五品以上立碑螭首龜趺二品以

上上高不得過一丈二尺五品以上上高不得過九尺

七品以上立碣圭首方趺上高四尺其執政官以上

墳

三品以上神道碑碑於墓隧道之左面南立螭首龜趺

有依品從合得尺寸

見儀制今更欲檢之此未盡也

司馬公曰按今式墳碑石獸大小多寡各有品數

然葬者當

為無窮之規後世見此等物安知其中不多藏金玉耶是皆無益于亡者而反有害故令式又有貴得同賤賤不得同貴之文然則不若不用之為愈也

五品以下不名碑謂之墓碣圭首方座以上石人石柱

石羊石虎各有合得之數

墓誌制度

墓誌納之墓中樞前平放其狀如方石斗二底掾面平而

不凹大小無定制

上一斗于平面上大字題某官某

如此又記上一斗止寫某人墓誌不書銘字下一斗上作小字書前一行刻云某官某人墓誌銘并引或言有序或言并序後書序及銘刻畢以丹填之上下二斗字並用丹填二斗相合四角以薄石片楷起楷石如錢大厚薄亦如之但要二石實相壓着

家禮云下誌石

云墓在平地則于壙內近南先布磚置石其上又以磚四圍之而覆其上若墓

在山側峻處則于壙兩數尺間掘地深四五尺依此法理之

墓表制度

家禮云墳高四尺立小石碑於其前亦高四尺跌高尺許

按孔子防墓之封其崇四尺故取以為法用司馬公說別立小碑但石須闊尺以上其厚居三之二圭首而刻其面如誌之蓋乃畧述其世系名字行實而刻于其左轉及後右而周為婦人則俟夫葬乃立面如夫亡誌蓋之刻云

表墓石立於墓前

就地理定上題云某人之墓無文詞墓雖無碑者亦當立此石

石人羊虎柱制度

事祖廣記云矣穀子曰秦漢以來帝王陵寢有石麟辟邪

兕馬之屬人臣墓有石人羊虎柱之類皆表飾墳壠如

生前儀衛

風俗通曰方相氏葬曰入壙驅罔象罔象好食死人肝腦人臣不能備方相乃立其象于墓

側又罔象畏虎與栢故頂上栽栢路前立虎也盧思道西征記曰新賊西有漢旌陽太守之越墓有石柱東南有亭因名柱為表漢霍去病墓像祁連山立石人馬然則墓前之立石人柱羊虎之類皆起于漢也

又唐王達北邙行云山頭澗底石漸稀盡向墳前作羊虎

金制諸葬儀一品官石人四事石虎石羊石柱各二事二

品三品減石人二事四品五品又減石柱二事

墓圖

古金石例云墓圖作方石碑先畫墓圖有作圖象者內畫

墓樣各標其穴其人其石嵌之祭堂壁上無祭堂則

嵌圍牆上

韓魏公父墓圍今有此石歲久卧之牆外

宗父圖碣二一埋中宮之下一立中宮之上太原以墳塋

中心為宅神亦中宮之義也

祭堂瓦花頭皆寫云某氏千秋墓執亦然南陽

宗資墓前人有得古花頭瓦其花頭刻云宗氏千秋今石刻在中州刺史宅凡祭堂二於中宮左右建

家禮云刻誌石

用石二片其一為蓋刻云有宋某官某某之墓無官則書其字曰某君某甫其一為

底刻云有宋某官某公諱某字某某州某縣人考諱某某官母氏某封某年月日生叙歷官遷次某年月日終某年月日葬于某鄉某里娶某處某氏某人之女子男某某官女適某官某人婦人夫在則蓋云有宋某官姓名某封某氏之墓無封則云妻無官則書夫之姓名夫亡則云某官某公某封某氏夫無官則

云某君某甫妻某氏其底叙年若干適某氏有夫子致封彌無則否葬之日以二石字面相向而以鐵束束之埋之壙前近地面三四尺間蓋慮異時陵谷變遷或誤為人所動而此石先見則人有知其姓名者庶能為掩之也

諸墳塋地一品四面各三百步

長周不等者以積步折之餘准此 二品二

百五十步三品二百步四品一百五十步六品

以下一百步庶人

不叙使官餘條葬無文者竝准此

及寺觀各三十

步若經恩錫及山谷內已業荒田者不在步數之限

古今碑石同異

漢碑有銘詞亦有無者今亦然謂神道碑并墓碣有銘詞者有無銘詞者今碑碣亦

也然

墓碣無銘詞刻墓前石柱上亦有刻在碑上者

蒼崖先生金石例卷之一

蒼崖先生金石例卷之二

金石文之始

鄱陽楊本編輯校正

周禮王功曰勳國功曰功民功曰庸事功曰勞治功曰力
戰功曰多凡有功者銘書于王之太常

禮記曰夫鼎有銘銘者自名也自名以稱揚其先祖之美

而明著之後世者也為先祖者莫不有美焉莫不有

惡焉銘之義稱美而不稱惡此孝子孝孫之心也唯

賢者能之銘者論譏其先祖之有德善功烈勳勞慶

賞聲名列於天下而酌之祭器自成其名焉以祀其
先祖者也顯揚先祖所以崇孝也身比焉順也明示
後世教也夫銘者一稱而上下皆得焉耳矣是故君
子之觀於銘也既美其所稱又美其所為為之者明
足以見之仁足以與之知足以利之可謂賢矣賢而
勿伐可謂恭矣故衛孔悝之鼎銘曰六月丁亥公假
于太廟公曰牂舅乃祖莊牂左右成公成公乃命莊
牂隨難于漢陽即宮于宗周奔走無射啓右獻公獻
公乃命成牂纂乃祖服乃考文牂興舊者欲作率慶
士躬恤衛國其勤公家夙夜不懈民咸曰休哉公曰
牂舅子女銘若纂乃考服悝拜稽首曰對揚以辟之
勤大命施于烝彝鼎此衛孔悝之鼎銘也古之君子
論譏其先祖之美而明著之後世者也比此其身以
重其國家如此子孫之守宗廟社稷者其先祖無美
而稱之是誣也有善而弗知不明也知而弗傳不仁
也此三者君子之所耻也昔者周公旦有勳勞于天

下周公既沒成王康王追念周公之所以勳勞者而欲尊魯故賜之以重祭外祭則郊社是也內祭則太嘗禘是也夫大嘗禘升歌清廟下而管象朱干玉戚以舞大武八佾以舞大夏此天子之樂也康周公故以賜魯也子孫慕之至於今不廢所以明周公之德而又以重其國也

春秋左氏傳曰季武子以所得於齊之兵作林鐘而銘魯功焉臧武仲謂季孫曰非禮也夫銘天子令德諸侯

言時計功大夫稱伐今稱伐則下等也計功則借人也言時則妨民多矣何以為銘且夫大伐小取其所得以作彝器銘其功烈以示子孫昭明德而懲無禮也今將借人之力以救其死若之何銘之小國幸於大國而昭所獲焉以恕之亡之道也

國語曰昔克路之役秦來圖敗晉功魏顆以其身却退秦

師于輔氏親止杜回其勳銘於景鐘

克勝也魯宣十五年六月癸卯

晉荀林父將滅赤狄路氏七月秦桓公伐晉次于輔氏晉景公治兵以畧狄士及碩魏顆敗秦師于輔氏

獲杜回景
鐘景公鐘

○碑式 碑文之可法者固多舉其一二以為式後皆倣此當類推之

衢州徐偃王廟碑 韓退之 平淮西碑 曹成王碑

南海神廟碑 處州孔子廟碑 柳州羅池廟碑

黃陵廟碑 箕子碑 柳子厚 道州文宣王碑

柳州文宣王碑 終南山祠堂碑 太白山祠堂碑

湘源二妃廟碑 饒娥碑 南霽雲睢陽廟碑

后土神祠碑 張說 唐天下放生池碑 顏真卿 禹穴碑 鄭

表忠觀碑 蘇子瞻 潮州韓文公廟碑 伏波將軍廟碑

壽域碑 王元之 四皓廟碑 披雲堂碑 馬子才

東平行臺嚴公祠堂碑 元遺山 祭孤兔碑 杜止軒

文子廟碑 郝伯常 漢高祖廟碑 漢光武廟碑

處士管寧廟碑

○碑陰文式

○碑陰文 柳子厚 碑陰記 大明陰碑

○卷友記 處州孔子廟韓文公碑陰記 杜牧

○德政碑之始事祖廣記云自秦漢以來死有功業生有德政者皆碑之稍改用石因總謂之碑

○德政碑式

明州王密德政碑李舟 易州刺史田仁琬德政碑蘇之

高陵縣令劉君德政碑劉禹錫

○墓碑式

清邊郡主楊燕奇碑文韓退之 權公墓碑

劉統軍碑 王黃華墓碑元遺山 寄庵先生墓碑

費縣令郭明府墓碑 宣武將軍孫君墓碑

○神道碑之始事祖廣記云晉宋之世始又有神道碑天子及諸侯皆有之其刻文止曰某帝或某

官神道之碑今世尚有宋文帝神道碑墨本也其初猶立之于葵兆之東南地理家言以東南為神道若

神靈出遊道之意 唐李夷簡臨終敕無碑神道故以名碑爾

○神道碑式

唐銀青光祿大夫守右散騎常侍致仕上柱國襄陽郡

王平陽路公神道碑銘韓退之 唐故河東節度觀察使

榮陽鄭公神道碑文 唐故中散大夫少府監胡良公

墓神道碑 唐故江南道觀察使贈左散騎常侍太原

王公神道碑 司徒無侍中中書令贈太尉許國公神

道碑銘 湖州長城縣令崔孚神道碑 白樂天

平章政事壽國張公神道碑 元遺山 沁州刺史李君神道碑

朝散大夫胡公神道碑 內相文獻楊公神道碑

轉運使王公神道碑 禮部尚書趙公神道碑

內翰馮公神道碑 國子祭酒馮公神道碑銘

東平行臺嚴公神道碑 木虎公神道碑

刺史馬公神道碑銘 康公神道碑銘

劉氏先塋神道碑 完顏公神道碑

畢侯神道碑銘 千戶趙君神道碑

○家廟碑式

立家廟自有品從 唐人三品以上得立餘不得立碑與墓

碑制度同曾見永寧縣西寺有文潞公家廟碑是司馬溫公撰制度與墓碑同其陰今磨之刻寺記矣家廟碑立之家廟前

司馬溫公撰文潞公家廟碑 其畧云公以廟制未備不敢

作主用晉荀安昌公祠制作神板宋唐周元陽議祀以元日寒食春秋分冬夏至致齋一日又以式受詔之四方不常其居乃酌古諸

侯載遷主之義作車奉神板以行此皆禮之從宜者也

○先廟碑式

烏氏廟碑銘

壬辰詔用烏公為銀青光祿大夫河陽軍節度使兼御史大夫封張掖郡國公居三

年河陽稱治詔贈其父工部尚書且曰其以廟享即以

其年營廟于京師崇化里軍佐竊議曰先公既位常伯

而先夫人無加命稱名差卑于配不宜語聞詔贈先夫

人劉氏沛國太夫人八年八月廟成三室同宇祀自左

領府君而下作主魏博節度觀察使沂國公先廟碑銘

于第乙巳并于廟田和正始有廟京師謹按魏博節度使銀青光祿大夫

檢校工部尚書兼魏州大都督府長史御史大夫沂國

公田和正北平盧龍人故為魏博諸將忠孝畏慎田季

安卒其子幼弱用故事代父人吏不服迎和正于其家

領軍事和正籍其軍之衆與六州之人還之朝廷悉除

河北故事比諸州故得用為帥已而復贈其父故滄州

刺史兵部尚書母夫人鄭氏梁國大夫人得立廟祭三

代曾祖都水使者府君祭初室祖安東司馬贈襄州刺

史府君祭二室兵部府君祭東室袁氏先廟碑袁公滋既成廟明歲二

師留六日得壬子春分率宗親子屬用少牢于三室既

事退言曰嗚呼遠哉維世傳德襲訓集余乃今有濟今

祭既不薦金石音聲使工歌詩載烈象容其美以飭雅

味長久唯敬繫羊豕幸有石如具著先人名跡因為詩

繫之語下於義其可雖然余不敢必屬篤古丞相崔圓

而達于詞者遂以命愈已上係韓退之

廟碑始立廟洛邑考廟王考廟皇考廟皆二丈有七從

四尋衡八尋二戶立楹外無四阿巧瑱彩繪施以

丹雘齋室懣室庭垣稱之禮曰勞定國則祀之能禦

大災則祀之能捍大患則祀之是宜廟食以銘于鼎

古者諸侯立五廟有鼎與樂有國之制侯伯有爵而無

王廟有鼎祭樂不克立五廟而立三廟不銘于鼎而銘

于碑韓南康郡王常寧先廟碑萬物本乎天人本乎祖

者揚其功烈銘于祭器近古以魯鍾衛鼎追琢先德不若鏤文字於麗牲之碑之為詳也乃謹而書之權載之

丞相代國公王涯先廟碑唐制五等有爵服而無山川祭于三事得立四廟備物崇

祀以交神明敬先孝治以輔孝德有國之令典也唯長慶三年前相國王公始卜廟于西京崇業里公時鎮劍

南在川上章曰臣涯官秩印授品俱第三請如式以奉家廟制曰可是歲仲冬申命長男孟望祔其主于三室

明年公入為御史大夫復以十一月親行丞嘗間歲公出梁州就拜司空祀崇異數廟加祀室太和二年增新

室既成祔顯考于尊彭陽郡公令狐楚先廟碑今上元位告向由禮劉禹錫

具官令狐公西嚮拜章上言守臣楚蒙被恩深列于元侯得立家廟以奉常祀制書下其奏于有司于是善相

考詳得地于京師通濟里居無何新廟成公以守藩故申命季弟監察御史定卜牲揀日越八月丁亥祔嚮三

室培塿以尚幽設幄以迎右僕射趙郡李紳先廟碑王精理義克達神用寧謐

侯侯建廟廟有器器有銘所以論譔先德明著後代或書于鼎或文於碑古今之通制也○齊沐祗慄拜章上

言請立其廟以奉常祀于是得請于天子承式于有司是歲某月某日經始於東都明年某月某日有事于新

廟外盡其物內盡其志三獻百順神格祀成白樂天

○先塋先德昭先等碑之始

蒼崖先生曰先塋先德昭先等碑例似與神道碑墓誌等

碑不同先塋先德昭先等碑創建於國朝已前唐今宋皆無之所書三代并妻子例似與神道墓

誌不
同也

○先塋先德昭先等碑式

安爾郝氏先塋之碑

宣差五路萬戶郝侯和尚貞祐今年夏五月侯朝行關對于幄殿

者餘七十日且以上厖馬二西域馬三彫弓四鎧胄三金錦三并金虎符錫之夫人劉氏亦拜雙錦之賜按

郝氏安爾人葬於縣之元兔鄉千秋里者不知幾昭穆矣曾大父諱廣資善良有陰德閭里中年八十三遇異

人教之良禁齒髮更生又十年乃終妣曰劉氏大父諱全任俠尚氣勇於赴難有朱家郭解之器妣曰田氏生

二子侯之父諱增氣節豪宕人多歸之不幸蚤世妣曰孫氏從上三世皆潛德不耀獨妣父彥自承平時以賞

為恩州酒務使次令安爾迄今康寧壽考坐饗榮養歲時問安孫息滿前郝宗陽報之慶斯濫觴也雖侯襲已

積之善擁方來之福而生子如大丞相劉氏先塋神道此祖考可以無限矣元遺山

碑謹按劉氏世居宣德北鄉之青魚里孝弟力田盖有年矣曾大父雲自遼日為大家有子四人曰璋曰瓊

曰珰曰瓚珰之子四人显仁字仲明祖仁字仲昌用仁字仲至體仁字仲康仲至府君即公之考也公家故大

族府君娶同鄉李氏生三子長敦字德厚季效字德信皆無祿早世公其第三子也自大父以來不常厥居有

其先塋止於青魚西北原而已夫忠以報國孝以起家立身行道之義彰慎終追遠之德厚不有金石後裔

何觀乃為之銘公名某字德柔以小歸德府總管范陽字某行八子某其長已襲世爵云

張公先德碑范陽張公漢臣遣其叅佐陳价李侃侯瑒自曹南走書幣及予於順天書謂予曰予

良不敏爰自束髮以良家子隸軍籍轉戰南北將四十年馮籍先世積善之舊生還鄉國乃辛丑某日得用侯

伯之服之禮展省墳墓考之令甲諸任及通貴廟典墓
俱有碑應用螭首龜趺之制竊不自揆度思得文士之
見信於人者撰述之 維張氏族出范陽其家於縣東
仇家里者不知其幾昭穆矣自公曾大父甲而下皆隱
德不耀大父臣甫資稟高亮 壽八十有七怡然坐逝祖
妣王氏李氏生子三人其季珪純質有父風 明昌壬
子之夏三水泛下遺溢漂壞庐舍至於丘壠亦為湮沒珪
與長女李乘船筏百計訪求僅得祖考遺骸于泥淖之下
其瀕于死者屢矣妣宋氏慈仁勤儉孝于舅姑生子二
人長即死次日子明仕為鄜州路郭主簿母有前識謂
公材幹特達後當貴顯常戒之毋妄殺以仁愛為懷墓
故在三水之陽懲創水禍改卜其陰乃在所居之西南
原見於辛丑新阡者特二世耳初以大安兵興公以材
選為軍中千夫長 故予既論次其先德并以公出處
附之歆人知張氏所 龍山趙氏新塋之碑 歲癸丑冬十
以起其家者蓋如此 月先太師以

王爵統諸道兵長驅而南 癸卯冬十月侯介於同
宮李雅川同才鄉為予言吾趙氏世居堡寨以仕遷大
梁五代未有諱匡穎者官至靜江軍節度使兼桂州管
內觀察使弟匡衡及八世孫襄疊仕於宋皆至通顯金
朝兵破大梁吾家例為兵所驅盡室北行至龍山遂占
籍焉雖譜謀散亡而其見於祖塋石誌者蓋如此振玉
之曾大父 隱田間致貲巨萬娶王氏生大父憲資個
倘好施予人多以急難歸之娶馬氏生子八人吾父塔
其第四子也幼出大家頗以裘馬自喜 由大父而上
皆葬鄉里振玉之考兵亂中權厝縣西佛寺比避兵還
而寺屋被焚遂失藁殯所在振玉乃用故事卜于平棘縣
西北鄉蘇材里之南原為顯考衣冠之藏日者室人莫
氏物故因從祔焉維遠祖自堡寨遷大梁既無歲月可
考自大梁遷龍山則僅能志之今南原卜宅亦吾趙家
之大舉不勒之金石以昭示永久後世其謂我何
誠得吾子辱以文賜之焉幸多矣敢再拜以請

下邳劉氏先德碑銘 下邳劉氏其先世皆滄人自總管而上其世系名諱與其仕宦可知

者凡四世高祖父諱辛仕金官至顯武將軍軍資庫使符離縣尉升下邳令子二人長曰思誠次曰思謙業儒

術有子二人曰元曰珍元早卒珍字子玉年八十二以壽終配樂氏潘氏子二人曰榮曰顯其一早卒皆樂氏

所出榮字德茂 至元十一年正月卒享年七十有六邢氏子男二人長曰源承事郎樂安州判官娶徐氏子

男二人曰某次即總管傑也娶謝氏前卒繼娶郭氏靈壽縣尹敏之女子男七人 傑字漢卿 自曾大父以

上皆葬下邳巨山之陽自祖父以下皆葬益都今將補松楸之闕展拜掃之儀願得子之文刻之貞石 乃為

次第其世數事跡而彰德總管孫公先塋碑銘 曾大

父某娶何氏四子慶祐慶文慶元祿和慶元則公之大父也娶趙氏有婦德二子威平平早世威即公之考也

年若干終于某官杜氏年八十八下及五世孫疾公率其子拱振等諸孫謙諧誼等以問 然而公未老事業

尚未既而拱有才氣謙既能以世其業云予懷孟萬戶他日又可以考其淺深厚薄于此也劉夢吉

劉公先塋碑銘 按顯曾祖考諱德安隱居不仕妣張氏揚氏顯祖考初陽府君諱寶資幹奇偉

氣畧過人享年若干妣李氏揚氏姜氏顯考蒲陰府君諱世昂不避矢石竟被創而廢享年若干妣齊氏張氏

三世皆葬初州蒲陰之北鄉百龐氏墳道先德碑銘 曾祖

長原其家宗支則有圖列碑陰 其次居十然以次推十曾外二伯曾則兄猶七人其下

有季叔無耶昆弟耶從父從祖之昆弟也所不可知姑計是十家子孫將不百人而止咸盡于賊惟十曾一子

祖府君諱智者存 考府君生六年當至元改明年乙丑夏五月二十有八日以卒年七十七 考府君即墳葬之仲應亦卒 仲温以他求出異以九年戊辰十一

月二十有七日卒年止四十七從葬先塋諸姑四人皆
歸鄉人詠昆仲二人合仲父季父子各四人為十人輅
銀符由同提舉興州採木司主洛水簿卒子父柳文振
詠子文抑文播承顏合諸父之子男十二人女一人姚
牧 鄒平賈氏昭先之碑 賈氏世為濟南平人祖諱某以
庵 敦歛自尚二子長諱某次諱某
尚書君父也卒年六十四配王氏 癸巳三月二十日
年七十卒二子曰馴致道君曰某以字显監濱州稅孝
友有為四女長適王氏次李氏次
段氏次王氏皆濟南盛族劉仲庵

○賜碑名號之始

退朝錄云唐太宗自撰魏元成碑德宗亦撰段秀實碑本
朝太宗中令趙公碑皇祐中王侍郎融守河中還乃

以唐明皇所題裴耀卿額上之仁宗遂御篆沂公碑
曰旌賢

○賜碑名號式

旌賢王沂公碑 懷忠呂許公碑 顯忠李忠武公碑

旌忠寇萊公碑 全德元老王太尉碑 敦忠積慶文

潞公父洎碑 親賢李侍郎用和碑 褒親齊國獻穆

公主碑 旌功曹襄悼碑 崇儒丁文簡碑 舊覺晏

元獻碑 舊德張鄧公碑 顯先積慶趙中令子昇昭

碑旌忠懷德張侍中者碑 儒賢高文莊碑 思賢李

相沆碑 褒賢范文正公碑 旌忠元勳狄忠襄碑

褒忠陳恭公碑 清忠王武恭碑 純孝張文孝碑

忠規德範宋元憲碑 淳德守正呂文穆碑 大儒元

老賈公碑

蒼崖先生金石例卷之二

蒼崖先生金石例卷之三

鄱陽楊本編輯校正

碣式

國子司業陽城遺愛碣

公名成字亢宗家于北平隱于條山惟公端粹冲和高嶷懿醇

道德仁明孝愛友悌薰襲里閭布聞天下守節貞固患難不能迂其心怡性坦厚榮位不足動其神為司諫義震于周行為司業愛加于生徒宜乎立石碑後是憲其辭曰惟茲陽公履道葆醇愛初隱聲覆簣基仁德克而形乃作諫臣抗忠勵義直道是陳帝求師儒貳我成均開明蒙滯宣明德教大和潛布玄機密照群生聞禮後學知季進退作則動言是効匪公之軌人用奚蹈巖厲貪凌待公順之欺偽誦詐待公信之少年申申咸適其

宜獲楚廢弛尊嚴而威公褒其良俾升于堂壙者既肥
榮如衣衣公案不用懲咎內訟既訟于內猶公之誨匪
仁熟親匪德孰尊今公于征孰表儒門生徒上言稽首
帝閣謂天蓋高曾莫我聞青衿涕濡填街盈衛遠送于
南望墓踟躕立石書德用揚 **故御史周公碣** 有唐貞臣
懿則嗚呼斯文遺愛罔極 汝南周氏

諱某字某以諫死葬于某貞元十二年柳宗元立碣于
其墓左在天寶年有以諂諛至相位賢臣放退公為御
史抗言以白其事得死于墀下史臣書之公之死而佞
者始畏公議 銘曰忠為美道是履諫而死佞者止史

之志石以紀 **故秘書省校書郎獨孤君墓碣** 嗚呼有唐
為臣執兮 仁人獨孤

君之墓附子其父太子舍人諱助之墓之後自其祖贈
太子少保諱問偕而上其墓皆在霸水之左今王父營
陵於其側故再世在此君諱申叔字子重年二十二舉
進士又二年用博學宏詞為校書郎又三年居父喪未

練而沒蓋貞元十八年四月五日也是年七
月十日而葬鄉日某鄉原曰某原柳子厚

墓碣式

故兵部郎中楊君墓碣 君諱疑字懋功 貞元十九年
正月某日守尚書兵部郎中楊

君卒某月日葬于奉先縣某原既葬其子姪洎家老議
立石以表于墓葬令曰凡五品以上為碑龜跌螭首降
五品為碣方跌圓首其高四尺按郎中品第五以其秩
不克僭降而從碣之制其世系則紀于大墓柳子厚

故萬年令裴府君墓碣 公諱瑾字封叔河東聞喜人太
尉公諱行儉實高祖侍中公諱

先庭實曾祖邢部員外郎府君諱稹實祖大理卿府君
諱敬實父 冢子銑奉柩以明年月日克葬于墓銑以

文書來柳州告其叔舅宗元
願碣于墓左則涕為之銘

墓誌式

故尚書戶部郎中魏府君墓誌

魏氏世墓于某縣某原唐興有聞士諱之邊者

與子及孫咸舉進士嗣為儒家綿州涪城尉諱全瑤魏州臨黃主簿諱欽茲太常主簿諱緄尚書膳部員外郎兼江陵少尹諱萬成凡五代名高而不浮於行才具而不得其祿江陵府君益之以閎達之量經緯之謀故豪士賢大夫痛慕加厚生即中府君諱弘簡字曰裕之以文行知名 監察御史柳宗元聞其道而玩其文也久

居又同閑故哀 故朝散大夫永州刺史崔公墓誌

維元和五

而銘之柳子厚 年九月十五日壬子永州刺史崔公薨于位享年六十八乙未殯於路寢景寅廷神于舟以某年某月日歸葬于某縣某原附于皇考吏部侍郎贈戶部尚書府君之墓 公前夫人徐州叅軍滎陽鄭鉅女有子曰義和早

天後夫人萬年尉范陽盧彤女嘉淑之德繼聞宗族有子曰貽哲貽儉克承于家泊公之兄子曰勵曰礼誠願

志于墓無 忘公之德

安南都護張公誌

公諱舟字某某郡人也曾祖彥師朝散大夫尚書駕

部郎中祖瑾懷州武德縣令考清朝議郎試大理寺丞贈右贊善大夫咸有懿美積為餘慶公以忠肅循其中以文術昭于外推經旨以飾吏事本法理以平人心優詔累旌其忠良太史嗣書其功勳就加國子祭酒封武成男食邑三百戶凡再策勳至上柱國三增秩至中散大夫某年月薨于位年若干天子震悼傷辭有加明年其孤某官與宗人號奉裳惟率其家老咨于叔父延唐令某卜宅于潭州某原葬用某月某日人謀皆從龜

兆襲吉乃刻茲石著公之閎 以志于丘壟以告于幽明

邕州刺史李公誌

公諱位字某實

惟文皇帝之玄孫別子曰承乾為皇太子以藩愛逼奪危慄致禍後封恒山為愍王贈荊州大都督維別曰象

靳春郡太守贈越州大都督郇國公太宗曰玘太子詹事贈秘書監生虞尚書左丞凡四代有土田居貴仕公丕承之以率南服克荷天休繼有功德 嘗合永流黃丹砂為紫丹能入火不動以為神服之且十年然卒以是病暴下赤黑數日薨實元和十三年六月十五日年五十七僚宰庀事有緹五兩無金銀泉具幾不克歛夷人號呼致幣歸以明年月日葬 貴州刺史鄧君誌 君諱某附其穆長安西南高陽原上 陽人漢司徒禹之世也曾祖倚皇連州普城今祖少立皇滄州司馬考邕皇左武衛兵曹參軍惟君敏給以御下廉忠以承上幹盡之 治於諸侯信謹之跡彰于所莅故自始仕以至沒世未嘗無聞焉 始由湖南為江西再以君為從事知之最厚痛君之能不施于劇任惜君之志見屈於群疑且以誌授宗元使備其闕古者觀其所使而知在上之德今也觀其所使而知在下之誠嗚呼可無辭乎 桂管防禦副使

呂公誌

呂氏世居河東至延之始大以御史大夫為浙東道節度大使延之生渭為中書舍人尚書禮

部侍郎刺湖南七州生四子溫恭儉讓以溫為尚書郎再贈至右僕射恭敬叔他名曰宗禮或以為字實惟呂氏宗子尚氣節有勇畧不事小謹讀從橫書理陰符掘機孫子之術曰我師尚父曹也 不幸溫刺衡州年四十卒恭未及理人年三十七又卒世固有其具而不及其用若溫恭者耶恭貌奇壯有大志信善容物宜壽考碩大而又不克 呂 柳州司馬孟公誌 常謙孟氏之孤氏之道惡乎興 曰遵慶奉其父

命書九篇為善狀一篇來告曰月日君薨月日將葬于某敢請刻辭 惟公誌專于中貌嚴于外常立廷中毅

然望之若圓形刻像聞國難輒不寢食謀度憤吒以故病不可治曾祖某官諱某祖某官諱某父某官諱某公

之諱曰常謙子 故試大理評事裴君誌 裴氏之昭曰贈 遵慶弟曰某 戶部尚書諱某

穆曰起居郎諱某生均州刺史諱某均州與其弟大理
更為刑部即用文史名於朝善社禮書長子曰某射進
士策不中去過汴韓司徒弘迎取為從事以聞拜太子
通事舍人進大理評事當代蔡及渾汴常為軍首贊佐
有勞既事將侍大夫人于京師道發疽元和十四年月
日終于河南敦厚里年若干字曰某弟某以其喪歸葬
于某縣某里未果娶有男子二人女大理評事柳君誌
一人男之長曰某通兩經始杖且廬
晉之亂柳氏始分曰者為汝南守居河東又五世曰慶
相魏魏相之嗣曰旦仕隋為黃門侍郎其小宗曰楷至
于唐刺濟房蘭廓四州楷生夏縣令府君諱繹繹生司
議郎府君諱遺愛皆葬長安少陵原遺愛生御史府君
諱開葬南陽其嗣曰寬字存諒讀其世書揚于文辭卒
于公館元和六年八月七日也年四十七今將以某月
日祔葬苟又不得令辭而誌焉是無以蓋前人之大痛
敢固以請嗚呼余惧辭之不令以為神羞余曷敢不諾

祕書郎姜君誌

祕書郎姜某字某開元皇帝外孫也始
楚國公皎與上游益貴幸子慶初得尚

公主生某生三日上曰他物無以餉吾孫即勅有司
以第六品告與緋衣銀魚得通籍出入凡名是官七十
某年終不徙元和十四年月日終桂州都督御史中
丞裴公曰噫帝戚也葬不可以庶為具物祭以豚酒月
日葬州東南一里子襄陽丞趙君誌貞元十八年月日
某年若干母曰雷姬天水趙公矜年四
十二客死于柳州官為飲葬于城北之野矜之父曰
漸南鄭尉祖曰倩之鄂州司馬曾祖曰玃安金紫光祿
大夫國子祭酒始矜由明經為舞陽主簿蔡帥反犯難
來歸擢授襄城主簿賜緋魚袋後為襄陽丞其墓自曾
祖以下皆族以位時宗元刺柳温縣主簿韓君誌有唐
用相其事衰而旌之以銘
縣主簿韓慎字某漢高侯其先也徙于南陽貞元
十六年又調于天官署河陽丞未拜十有一日暴病卒

于長安永崇里先人之庐又十有一日東明張先生誌

龜策襲吉祔于咸陽洪濱原先人之墓

東明先生張氏曰因嘗有以文薦於天子天子策試甚

高以為長安尉一年投去印綬願為黃老術詔許之

病既亟以命回日吾生天寶訖貞元乙酉歲十月今死

于汝之手盈吾志矣京師吾生也畢原先人之歸也必

以返葬乃自為誌而卒明年正月某日

太府李卿外婦

葬如其言弟子某等為碑以誌其墓

馬淑誌 氏曰馬字淑曰生廣陵母曰劉客倡也淑之父曰

狂寇見誣左官為循州錄過而慕馬納為外婦皆竄南

海上及移永州州之騷人多李之舊日載酒往焉聞其

操鳴絃為新聲撫節而歌莫不敢動其音美其容以志

其居之遠而名之辱方幸其若是也元和五年五月十

九日積疾卒于湘水之東朗州員外司戶薛君妻崔

氏墓誌 唐永州刺史博陵崔簡女諱媛嫁為朗州員外

墓誌式

女事善筆劉讀書通古今其暇則鳴絃桐諷詩騷以為
娛始簡以文雅清秀重於當世其後病惑得罪投驩州
諸女蓬垢涕號柳氏出也以叔舅命歸于薛元和十二
年五月二十八日既乳病肝氣逆肺牽拘左腋巫醫不
能已暮月之日潔服飾容而終年若干某月日
廷柩于洛某月日祔于墓在北甲山南洛水東

董府君墓誌

公諱溪字惟深丞相贈太師隴西恭惠公
弟二子十九歲明兩經獲弟有司沉重精

敏未嘗有子弟之過賓接門下惟舉人士侍側無虛口
退而見其人淡若與之無情者太師賢而愛之除名

徙封州元和六年五月十二日死湘中年四十九歲公
之母弟全素孝慈交弟公坐事棄同官令歸公歿比葬

三年哭泣如始喪者大臣高其行白為太子舍人將葬舍人與其孝弟澣問銘於太史氏韓愈愈則為之銘韓退處士裴君墓誌 河東聞喜裴君諱某字某好學未仕年若干元和十四年月日終於京兆

渭南墅君之弟中丞公督桂州命其僚柳宗元以銘君之出河間邢群以來告曰曾祖諱某寧州刺史贈戶部

尚書祖諱某起居郎父諱某尚書刑部員外郎是年月日葬渭南某里廷韋夫人之喪自萬年來有俟猶異室

柳子志從父弟宗直殯 從父弟宗直生剛健好氣自字曰正夫聞人善立以為己師聞

惡若已讐見佞色諂笑者不忍與坐語善操觚牘得師法甚備融液屈折奇峭博麗知之者以為工作文辭淡

泊尚古謹聲律切事類讓漢書文章為四十卷是月二十四日出殯城西北若干尺死七日矣俟吾歸與之俱

志其伯祖妣趙郡李夫人墓誌銘 夫人姓李氏辯族氏者曰趙郡贊皇之東

祖祖某為某官父中為單父尉夫人生於良族嶷然殊異及笄德充於容行踐於言高朗而不傷其柔嚴恪而

不害其和特善女工翦製之事又能為雅琴秦聲操縵之其婦道既備宜為君子之配偶焉我伯祖臨邛令府

君諱某受夫人於李氏之廟而歸於正室○諸姑合以焉斯志以從人之道內夫家外父母家且又葬于我志

于我故敬 戶部郎中魏府君墓誌 魏氏世墓于某縣某柳氏為備 原唐與有聞士諱之

邊者與子及孫咸舉進士嗣為儒家綿州涪城尉諱全瑤魏州臨潢主簿諱欽慈太常主簿諱緄尚書膳部員

外郎兼江陵少尹諱萬成凡五代名高而不浮於行才具而不得其祿江陵府君益之以閎達之量經緯之謀

故豪士賢大夫痛墓加厚生即中府君諱弘簡字曰裕之以文行知名 由是處約以終其世既歛家宰危其

政視廩惟釜鍾視歲唯束帛無餘積焉十有一月遣車歸於洛師某日附于墓監察御史柳宗元聞其道而玩

其文也久居又同
閑故哀而銘之
亡姊裴君夫人墓誌
柳氏至于唐其著者中書令諱

與中書之弟之子曰徐州府君諱某實有孝德世其家業清池府君諱某繼之以茂實德清府君諱某承之以善政以至于侍御史府君諱某用貞信勁正達于邦家克生賢女以裴于裴氏 某年八月十八日甲子安厝於長安縣之神禾從于先塋祔于皇姑宜也母弟號哭而為之志 嗚呼至哀無文至敬不飾故無其辭

亡妻弘農楊氏墓誌

亡妻弘農楊氏諱某高祖皇司勳即中諱某司勳生殿中侍御史諱

某殿中生醴泉縣尉諱某醴泉生今禮部郎中凝伐濟仁孝號為德門郎中娶于隴西李氏生夫人 及許嫁於我柔日既卜乃歸于柳氏 遂以九月五日庚午克葬于萬年縣棲鳳原從先塋禮也是歲唐貞元十五年龍集己卯為之誌云

葬誌式

馬室女雷五葬誌

馬室女雷五父曰師儒業進士雷五生巧惠異甚凡事絲績文繡不類人

所為者余觀之甚駭家貧歲不易衣而天姿潔淨脩嚴恒若簪珠璣衣紉縠寥然不易為塵垢雜年十五病死死後二日葬永州東郭東里以其姨母為妓於余也將死曰吾聞柳公掌巧我惠我今不幸死矣安得公之文志我葬其父母不敢以云葬之日余乃聞焉既而閱焉以攻石之後也遂為砂書玄瑋追而納諸墓柳子厚

殯誌

志從父弟宗直殯

已見墓誌柳子厚

權厝誌式

刺史崔君權厝誌 博陵崔君由進士入山南西道節度府治掌書記至府留後凡五徙職六

增官至刑部員外郎出刺連永兩州未至永而連之人愬君御史按章具獄坐流驪州幼弟訟諸朝天子黜連

帥罷御史小吏咸死投之荒外而君不克復元和七年正月二十六日卒 夫人河東柳氏德碩行叔先崔君

十年卒其葬在長安東南少陵北君以窳沒家又有海福力不克祔三年將復故葬也徒志其一二大者云柳

子厚亡姑渭南縣尉陳君夫人權厝誌 唐貞元十七年九

南縣尉穎川陳君之夫人河東柳氏終于平康里將終告于陳君曰吾生四十有四年為陳氏介婦九年謹飭

不怠以至此命也 嘗謂君宜有貴位而不克見執親之喪不得終紀皆天譴之大者也且願殺禮以成吾私

還先夫人之墓而窆我馬將俟君之不諱而歸復于正其可也陳君乃卜十二月十八日權厝于城南原曰樓

鳳如夫 連州司馬凌君權厝誌 年月日尚書都官員外

人之志 富春凌君諱準卒于桂陽佛寺 執友河東柳宗元哀君有道而不明白於天下離慙逢尤天其生且又同過

故哭以為志 其辭哀焉

歸祔誌式

先太夫人歸祔誌 先夫人姓盧氏諱某世家涿郡壽止

十五日棄代于永州零縣佛寺明年某月日安祔于京兆萬年棲鳳原先侍御史府君之墓其孤有罪銜哀待

刑不得歸奉喪事以盡其志姪洎太夫人尤之子玃礼承事焉 靈車遠去而身獨止左堂暫開而目不見孤

囚窮縶梟逝心壞蒼蒼天有如是耶有如是耶而猶言猶食者何如人耶已矣窮天下之聲無以舒其哀矣盡

天下之辭無以傳其酷矣刻之堅石措之幽陰終天而止矣柳子厚

叔妣陸氏夫人遷

祔誌

夫人諱則字內儀姓陸氏家于吳郡蓋江左上族以宗子在他國家牒逸陸故曾王父王父之諱官

不克究知而闕其文父覃皇河南陸渾令夫人生而柔

筭而禮會伯舅為河南尹撰擇僚案謂我文學掾仲父士林殊英儒流推高故夫人歸于我夫人之志也遂

以其年十二月十三日庚午合祔于少陵原之墓恭惟仲父之諱字夫人之爵齒備于版文今不書悞再告也

墓版文式

故叔父殿中侍御史府君墓版文

柳氏之先自皇帝及周魯其著者無駭以

字為展氏禽以食萊為柳姓厥後昌大世家河東鳴呼公諱某字某曾王父朝請大夫徐州長史諱子夏遺貞

白之操表儀宗門王父朝請大夫滄州清池令諱從裕垂博裕之道啓祐後胤皇考湖州德清令諱察躬小

子常以無兄弟移其睦於朋友少孤移其孝於叔父天將窮我而奪其志故罔極之痛仍集焉朴魯甚駭不能

文字敢用書宗人之辭以致其直故質而俚輟哭紀事哀不能文故殺而終焉柳子厚

蒼崖先生金石例卷之四

鄱陽楊本編輯校正

銘文之始

事祖廣記云蔡邕曰黃帝有金几之銘王子年拾遺記曰黃帝以神金禱器皆有銘題凡所造建皆記其年時此銘之起也

三禮圖云檀弓曰銘明旌也以死者為不可別已故以其旗識之

註明旌神士喪禮云為銘各以其物亡則以明之旌也

緇長半幅楨末長終幅廣三寸書銘于末曰某氏某之柩

註銘明旌也雜帛為物大夫之建也以死者為不可別故其旗識之愛之斯錄之矣亡無也無旌不命之士也半幅一尺終幅二尺在棺

為柩今文銘皆為名未為旆也竹杠長三尺置于

宇西階註杠銘幢也宇招也周禮司常大喪則供銘旌註王則太

常司常職云王建太常諸侯建旂孤卿建壇大夫士建物則銘旌亦然但尺數異耳禮緯云天子之

旌高九仞諸侯七仞大夫五仞士三仞其士喪禮竹杠長三尺則死者以尺為仞也天子九尺諸侯七尺

大夫五尺士三尺其旌旗身亦以尺為仞也又從遣車之差蓋以喪事畧故也若不命之士則士喪禮云

以緇布半幅長一尺也楨其末長終幅長二尺也緇楨共長三尺廣三寸書銘于末曰某氏某之柩竹杠

長三寸置于宇西階上

荀禮論云祭祀敬事其神也其銘誅繫世敬傳其名也註銘

謂書其功於器物若孔悝之鼎銘者誅謂誅其行狀以為謚也繫世謂書其傳襲若今之譜牒也皆所以

敬傳其名貽後世

禮祭統銘之義稱美而不稱惡此孝子孝孫之心也銘者

論著其先祖之有德善功烈勲勞慶賞聲名於天下

前輩云銘婦人墓當詳於家世議論取法於韓退之退之

所作蓋出於碩人之詩觀其銘元稹妻韋夫人墓可

見矣

銘式

權德輿世德銘

乃權公紀先世之德也四言無序此又一例也肅行我祖玄鳥自天天乙革夏武丁

祖賢手文命子開國于權末云聿修唐故悼王石塔銘之誠大惧不克夙夜以思敢銘世德

并序 唐開元五年歲在丁巳四月庚午朔二十二日庚寅故悼王薨於上陽之中禁日二歲而未及周嗚呼

哀哉王即開元神武皇帝第九之愛子也以其月二十七日景申葬於萬安山之東南領壙惟五尺棺不三寸

壘石塔一丈于其上不雕不礮從尚薄也其銘曰南有萬安兮北有洛城城可望兮天之京嗚呼悼王寧不恋

兮嗚呼悼王寧不見兮倚素塔兮凌翠微空不礙兮雲則飛嗚呼悼王兮其何歸蘇頲題

廬山女道士石碣銘

道山梁洞微也其銘無序四言河銘廬山玄德先生碣銘亦然符載

中府法曹張君墓碣銘

君字直之祖驩父孝新皆為官汴宋間君嘗讀書為文辭有氣

有吏才嘗感激欲自奮拔樹功名以見世初舉進士再不第因去事宣武軍節度使得官至監察御史坐事貶

嶺南再遷至河中府法曹參軍攝虞鄉令有能名進攝河東令又有名遂署河東從事絳州闕刺史攝絳州事

能聞朝廷元和四年秋有事適東方既還八月壬辰死于汴城西雙丘年四十有七明年二月日葬河南偃師

妻彭城人世有衣冠祖好順泗州刺史父泳卒蘄州別駕女四人男一人嬰兒汴也是為銘韓退之

部負外郎張府君銘

尚書虞部員外郎安定張君諱季友字孝權年五十四病卒東都

塗進韓氏門伏哭庭下曰叔父且死幾於不能言矣張日而言曰吾不可無告韓君別歲而不得韓君記猶不

葬也塗為書致吾意已而自署其末與封敢告以請愈
既與為禮祭書云去其末有復語千萬永訣八字名曰
月與封皆孝權迹 孝權為人孝謹與人語恐傷之而
特疑疑有立與孝權游者甚衆而獨以其死累余可尚
也已 是 東明張先生銘 匪祿而康匪爵而榮漢馬以
為銘 而不為名介潔而周流苞涵而清寧幽觀其形與化相
冥寂寞以成其道是以勿嬰世皆徃徃奔利死名我獨
浩浩端一以生或曰先生友弟以遁慈幼以死若不能
忘情者何耶吾曰道去友耶去慈耶從容以求其得之
耶盪莽狠悻道之非耶且夫虧恩壞禮枯槁顛顛墮聖
圖壽離中就異歛然與鬼神為偶頑然以木石為類倥
侗而不實窮而無死先生之道固知
異夫如此也乃書于石以紀柳子厚

墓銘式

李元賓墓銘

已虜元賓壽也者吾不知其所慕天也者吾不知其所惡生而不淑熟謂其壽死而不朽孰謂之夭已虜元賓才高乎當世而行出乎古人已虜元賓竟何為哉竟何為哉韓退之 崔評事

墓銘

朝之言嘻嘻夕之言怡怡偕入而出乘馬馳一日不見而死吁其悲 施先生墓銘 先生

之祖氏自施父其後施常事孔子以彰讐為博士延為太尉太尉之孫始為吾人曰然曰續亦載其迹先生之興公車是召慕序前聞于先有曜古聖人言其旨密微箋汪紛羅顛倒是非間先生講論如客得歸卑讓肥肥出言孔揚今其死矣誰嗣為宗縣曰 盧君墓銘 盧君東

萬年原曰神禾高曰尺者先生墓邪

盧君墓銘

美 愈

謂立日子來宜也行不可一二舉且吾之生也後不與而祖接不得詳也其大者莫若衆所與觀所與衆寡絃可以審其德矣乃祖未出而慶也天下大夫士以為與古之羨阜者侔且可以為相其德不既大矣乎講說周

公孔子樂其道不樂從事於倍得所從不擇外內奮而起其進退不合於義乎銘如是可以示於今與後也歎五拜手口唯唯君祖子與濮州濮陽令父同舒州望江令夫人之祖延宗鄆州司馬父進成鄜州洛交令男三人暢申易女三人皆嫁焉士人妻墓在河南緱氏大理評縣梁國之原其年月日元和二年二月十日云

事胡君墓銘

胡之氏別于陳明允先河東人世勤固載厥身籍文譜進連倫惟明允加武資

力牛虎柔不持吏夏陽有施焉去平陽民思悲河東土河陸原宜茲人肖厚完五十七不足年孤兒啼死下官

母弟証秩大夫撫君遺哭泣書友韓愈司馬徒作後銘系序初

衛府君墓銘

嗟惟君篤所信安無

有弊精神以棄餘賈於人脫故相權公墓銘

權在商周世無不存

外累自貴珎訊來世述墓文滅楚徒秦嬴劉之間甘泉始侯以及安立詆訶浮屠皇極之扶貞孝之生鳳鳥不至爵位豈多半途以稅壽考

豈多四十而逝惟其不有以惠厥後是生相君為朝德首行世祖之文世師之流連六官出入屏毗無黨無讐

幸世莫庇人所憚為公勇為之其所競馳公絕不窺熟克知之德將在斯刻詩墓碑以永厥垂 覃季子

墓銘

覃季子其人生愛書貧甚尤介特不苟受施讀經傳言其說教家推太史公班固書下到今橫堅鈞

貫又且數十家通為書號覃子史纂又取鬻老管莊子思晏孟下到今其術自儒墨名法至于狗彘草木凡有

益才世者為子纂又百有若干家篤於聞不以仕為事黜陟使取其書以氏名聞除太子校書某年月日死於

永州祁陽縣某鄉將死嘆曰寧有聞而窮乎將無聞而豐乎寧介而躓乎將濶而遂乎葬其鄉後若干年柳先

生來永州戚其文不大於世求其墓善人白公墓銘 齒以石銘銘曰困其獨豐其辱柳子厚

德尊師以道存習倍以教廷惟仁人君子之所居若時雨然羽山之頽疵癘為獨媿心發之考方李業復於燕

玄礼所以祠鄉長者而傳書先賢在昔兵屯河曲雄邊
爨及公家乃誦乃絃身為義方奉之周旋兩息踴躍起
為儒先炭被熒臺火尖在泉振而鼓之有光燭天仲也
銅章惠浹岐岍叔也奉璋入侍禁垣藹芳芝蘭之庭烟
芳珠王之洲州里趨風媚李蹀躞至於餘波所及且孝
弟而力田古有之種德欲深望歲百年有相之道理無
空捐祿匪我榮殆以為黨塾亡窮之傳樂石有銘
表公之阡異時配縣社之食尚有致馬元遺山

墓誌銘式

裴君墓誌銘

裴為顯姓入唐尤盛支分族離各為大家
惟公之系德隆位細曰子曰孫厥聲世繼

晉陽之邑愉愉翼翼無外無私幼壯若一何壽之
不遐而祿之不多謂必有後其又信然耶韓退之

墓誌銘

官不遂歸譏于時身不得年又
將尤誰世再絕而紹祭以不隳
韋夫人墓誌銘

詩歌碩人爰叙宗親女子之事有以榮身夫人之先累
公累卿有赫外祖祖我唐明歸逢其良夫夫婦婦獨不
與年而卒以天實生五子一
女之存銘于好辭以永於聞
李公墓誌銘
高其上而坎
其中以為公

之宮柰
何乎公
房君墓誌銘
有位有年有弟有子
石公墓誌銘

生之艱成之又艱若有
以焉而止於斯
韋公墓誌銘
武陽受業始于太
師以官讓兄自待

不疑勤于紫閣取益以早可謂有源卒用無成懔懔為
人矯矯為官爰及江西功德具完名聲之下獨處為難
辦而亦明仇者所歎碑于墓前
畢君墓誌銘
上古愛民
維昭美故納銘墓中以識公墓
為官求人

苟可以任位加其身其後喜權人自求官退而緩者身
後人先故廣平死節而子不荷其澤王屋謹庶而神不
福其謙嗚呼天與人
盧丞墓誌銘
弘農諱懷仁沂諱璣
柰陽諱某今年實元
苟無傷其穴與墳

和六苗君墓誌銘有行以為本有文以為華恭以事其

柰孔君墓誌銘允義孔君茲惟其歲杜君墓誌銘杜氏

世有显人承繼綿綿以及公身始為進士乃篤朋友及

指麾祿以給求食以會同不畜不收庫廩虛盧渾墓誌

銘前汝父母右汝兄汝從之居視汝如生迂汝居方日

息國夫人墓誌銘男主外事治不為易施于其家難甚

厥聲惟懿昔在貞元有錫自啓封備服以疇時勳婉

之陽遙望公王君墓誌銘昇也不可以枉車馬也不可

祇繫其逢不繫巧愚不諧其湏扶風郡夫人墓誌銘陰

坤從維德之恒出為辨強乃匪婦能淑哉夫人夙有多

譽來嬪大家不介毋父有事實祭酒食祇飭悒于尊章

志銘不羸其躬以乳母墓誌銘乳母李徐州人號正真

未再周月孤失怙恃李憐不忍棄去視保益謹遂老韓

國子博士尚書都官員外郎河南令娶婦生二男五女

率婦孫視窆封且刻其語于石納諸墓為銘盧太醫

墓誌銘岐黃聖學炳如日星苟非其人道不虛行惟尚

藥公有得內經探病之源起死而生為醫作鏡

底裏洞明道風既扇取重漢廷陽報沓來壽考康寧脩
然坐逝歸神太清太河安流扶衛厥靈扁鵲陽陰實親
大名遙遙華胄復起魏京古今世業前張君墓誌銘履
後家聲遺書具在永為世程元遺山
脩體柔嘉內美充福不遐哀哀蒼蒼孰使然耶天耶人
耶其父母耶從容以思其得之耶茁其芽鬱其華其實
孔多父播而子獲穰穰滿家故曰其源濫觴其流江河
淵兮其未涯不有以浚之其未柰何然則古所謂不於
其躬以於其子孫者
尚信然耶尚信然耶

墓碣銘

河中府法曹張君墓碣銘已見 蘧然子墓碣銘蘧然子
諱滋字

濟甫姓趙氏本出馮翊其大父天會元貞間來為汴梁
戶籍判官卒官下妻子不能歸遂為汴人父諱青字漢

卿蘧然子二男長某次某兵亂中所失小子尚幼二女
次即孟卿所娶者蘧然子春秋五十有九以病終權葬
于東平沂州門之外若干步庚子歲除日子實銘之其
銘曰積之之深守之之堅傳人之所不傳兼人之所獨
專自拔泥途如蛻而遷文以表之慰彼下泉顧雖愛我豈以一言而敢私焉元遺山張遵古墓碣
銘 茫茫之原纍纍之阡行人而歸何千萬年有子而傳
孰不欲揚其先今君獨然脩德則人而死而不亡則
天吾是以知其人之賢

墓磚銘

下殤女子墓磚銘 孰致也而生孰召也而死焉從而來
焉往而止魂氣無不之也骨肉歸復

於此柳小姪女墓磚銘 字為雅氏為柳生甲申死己丑
子厚 日十二月在九是日葵東岡首

生而惠命則天始也無今何有
質之微當速朽銘茲危期永久

壙銘式

女挈壙銘

汝宗葬于是汝安歸
之惟永寧韓退之

蒼崖先生金石例卷之四

蒼崖先生金石例卷之五

鄱陽楊本編輯校正

古墓表式

蔡致遠墓表

周景和墓表

周無晦墓表

李德元墓表

楊希節墓表

智氏夫人墓表

司馬夫人墓表

宋夫人墓表

呂氏夫人墓表

唐元夫墓表

墓表式

文通先生陸給事墓表

郡人陸先生質以其師友天水
啖助泊趙匡能知聖人之旨故

春秋之言及是而光明庸人小童皆可積學以入聖人
之道傳聖人之教是其德豈不侈大矣哉先生字某既
讀書得制作之本而獲其師友於是合古今散同異聯
之以言累之以文蓋講道者二十年書而志之者又十
餘年其事大備為春秋集註十篇辯疑七篇微旨二篇
用是為天子爭臣尚書郎國子博士給事中皇太子
侍讀皆得其道刺二州守人知仁永貞年侍東宮言其
所學為古君臣圖以獻而道達乎上是歲嗣天子踐祚
而理尊優師儒先生以疾聞臨問加礼某月日終于京
師某月日葬于某郡某里將葬以先生為能文聖人之
書通於後世遂相謚曰文通先生後若干祀有學其書
者過其墓哀其道之所由乃作石以表碣 柳子厚
殿中侍御史柳公墓表 唐貞元十二年二月庚寅葬我
殿中侍御史河東柳公于萬年



縣之少陵原公諱某字某邑居於虞鄉曾王父某官王
父某官皇考某官奕世餘慶叢而未稔濟德流祉其後
宜大秀而不實為善者感嗚呼哀哉 故友諸生宗人
外姻號慟會葬哀礼咸申克窆玄堂掩坎廣輪顧眎無
依徘徊增哀頌勒休聲延垂後賢於是汝南周公巢等
相與塚石書德用圖不朽文曰抱元淳稟粹和既強毅
又柔嘉登儀曹耀文章司學徒儒風揚自渭北佐朔方
戎政閑黔首康冠惠文垂衣裳才不施天茫茫刊樂石
篆遺德延休烈垂憲 朝列大夫張公墓表 公諱公着字
則於萬年長無極 庭俊姓張氏
初名守以夢兆改焉世為太原陽曲人曾太父某知宋
將乱隱居不仕大父祐好讀書尤長於術數卜葬東山
之大石谷自言却後三十年吾宗當有文達者已而果
然考諱某資稟寬緩輕財好施以詩書棊酒自適後因
公貴封朝列大夫生三子公其季也先大夫履正奉公
惟義所在死生禍福無所顧籍天下大夫士飽聞而厭

道之果得掛名表德自託不腐鄉里晚生預有榮焉敢
不惟命是聽乃退而論次之而系之以銘銘曰平易而
仁卓魯之近民發奸擊強趙張三王之所以神此在公
為一節固已無於時之人若夫確固而不移質直而無
文直前行唯義所存有言責則致其忠有官守則致其
身名節凜然獨為不二心之臣聞公之風益知鄙夫之
不可以事

御史張君墓表

謹按中奉大夫故治書侍
御史守申州刺史張君諱

君元遺山 汝明字子玉世家汶上曾大父靖大父彥皆潛德弗耀
父恕因君貴贈中議大夫母程氏清河郡太君君三歲
喪父程母故衣冠家而有賢行力課君學君亦能自樹
立如成人弱冠擢大安元年經義進士第 君資稟厚
重與人交敦仁義平居恂恂以不能言及當官而行剛
介有守議論純正人不能奪仕宦三十年家無餘資其
他尚多可稱弗著著不為窮達易節者銘曰汶之
洋洋思聖有堂禮樂衣冠此為之鄉維御史君尤魯士

之良沉潛而剛者艾而敷厖可以為公卿大臣訓于四
方昔往矣秉筆帝旁藹然粹溫如珪如璋今來斯微服
累艱衙門棲遲詠歌虞唐謂其逢也耶注乎及夜舟之
藏其不逢也耶恭馬如晚節之昌抱明月而長終懷舊
倍而不忘在君為樂天而識者涕滂林深而蘭芳風雨
如晦而鷄鳴有常世無良史久矣孰為發幽潛之光

司農丞康君墓表

君諱錫字伯祿姓康氏世為寧晉人
中崇慶二年進士第釋褐櫟陽簿

警巡判官辟彭原令入為尚書省掾考滿遷開封府判
官尋拜監察御史言宰相侯贊師安石非相材提點近
侍局宗室安之聲勢焔焔公門請撓不可使久在禁近
朝議偉之選授右司都事遷京南路大司農丞破上蔡
諸縣群不逞把持之黨渾衆人以賍汚尤狼籍者五六
輩宰相有不說者云康錫不歆吾種人有仕路耶因以
飛語中之出為河中府治中充行尚書 陽曲令周君墓
六部郎中城陷投水中死時年四十八

表君諱鼎字器之姓周氏世為定襄人遷陽曲令擢河

破兵勢駸駸而南鄉曲以太原不可保趣君弟猷臣就

謀去就君為猷臣言城不保必矣我臣子也尚欲逃死

手猷臣欲挈君妻子以出君又不可曰吾守官於此而

泣別於北門之外是歲城陷沒於兵實與定二

年九月六日也得壽三十有七官奉直大夫

墓表 邦直諱元姓史氏世為武涉人某年遷河內乃占

籍馬 遷管句黃河漕運未幾河南破右丞仲德

行臺徐州檄邦直守禦注授彭城令尋轉充觀察判官

危急存亡之際多所建白仲德甚倚仲之喪亂後間闕

東歸歲戊戌十二月二十有六日春秋五十有七以疾

終於州之私第邦直為人軀幹雄偉望之如羽人劍客

而處事詳雅倉悴無失辭事毋孝持故

舊有終始身歿之日識者多嗟惜之 御史孫公墓表

正大中內帑被盜所失皆慈聖宮珠具上怒甚公時為

監察御史被詔按其事而無迹可尋法官讞疑欲棄守

者布公執奏援之會赦得原汴民李氏女有姿色已許

嫁矣首相白撒之姪恃勢奪婚且欲以為妾夫家訴于

官官畏相不為理遂訴于公公為奏聞詔還已許八年

親享太廟邸國夫人溫敦氏過廟門而不偃蓋公劾奏

以為失臣妾禮上不忍加媿毋罪勅有司杖御者百仍

罰俸以愧之舊制承天門非犒軍不登一日上無故登

馬公奏人主不可示民不信上即日為公犒軍庚寅辛

卯以來雖軍出屢勝而亡徵已具危急存亡之際大夫

士以自保為幸或高蹈遠引脫屣世務或酣歌縱酒首

延歲月公獨正色立朝耿耿自信言事數十條藹然有

承平之風 公諱德秀字伯華其先涇州長武人 曹徵

大父臯遭靖康之亂流寓太原之文水因家焉

君墓表 歲丙午秋九月日曹徵君子玉以疾終於襄陰

之寓舍春秋七十有四嗚呼哀哉世豈復有敦

厖着艾之士如君子者乎 君諱珽姓曹氏子玉其字也 君既老自號鷺老人有卷闌集三卷藏於家銘曰

仁信而篤誠寬博而和平以儒行槩之衆善其并何負於人而不能百齡豈無百齡孰愈君之名城郭千年貞

石有銘曰是維子曹子之善人白公墓表 公諱某字全墓尚可以為鄉人之榮也 道姓白氏

公資稟聰悟而謹厚自持畧通經史精究曆筭中年耽嗜佛書皆所成誦為人敦信義樂施予一言所諾千金

不易家人化之皆以賢行稱焉正大中累贈中大夫輕車都尉南陽郡伯兩夫人南陽郡太君維大山自太平

興國中升為軍雖有學校而隸業者無幾宣和末僅有上舍宋生歷大定明昌官學之盛然後公之二子擢巍

科取美仕邦人築亭以榮鄉名之屏山李君之純為作記辭與事稱相為不朽故公雖躬不受祉所以起其家

與善化一鄉者 南峯先生墓表 先生諱像字彥先姓呂其利豈有既耶 氏懷州脩武人祖道父

琰皆力田為業先生自成童知讀書既冠游學東州以易為專門經明行脩高出倫輩醇德先生王廣道特器

重焉一時名士如句容折安上濟陽王善長安陽苗景藩館陶段彥昌冠氏孫希賢田子發從之學者甚衆故

家近大行五峯山因以為號 施州房使君鄭夫人殯表示不忘本也有易說若干卷

夫人之先出於周以鄭為氏因初侯曾祖諱隨祖諱玠厥考諱絳咸垂休歸于房宗生九子左右忝稷祠春秋

道順德嚴顯且禔宜壽而富令何謬永貞 故弘農令柳冬至前四日寓殯墳此非其丘韓退之

府君墳前石表 少陵原柳氏之大墓唐貞元十九年某月日孤某奉其先府君洎夫人附于其

墓由新墓而南若干步曰高祖王父蘭州府君諱某字某之墓又東若干步曰曾祖王父邠州府君諱某之墓

西若干步曰祖某王父司議郎府君諱某之墓咸異兆而相望昭穆之有位序壤樹之有豐殺皆如律令府君

諱某字某由父任為太廟齋郎更許昌陽武伊闕華原尉王屋丞汝陰令為弘農二年准其誠心裕于其人年五十五建中二年某月日卒于官以其素廉家之蓄不足以充凶事遂殯于是邑椰子厚先侍御

史府君神道表

嗚呼先君之墓仲父殿中君誌焉孤宗元不敢稱道先德然而無以昭于外者

用敢悉取仲父之所陳而繁其辭刻茲石表先君諱鎮字某六代祖諱慶後魏侍中平齊公五代祖諱旦周中書侍郎濟陰公高祖諱楷隋刺齊房蘭廓四州曾伯祖諱爽字子燕唐中書令曾祖諱子夏徐州長史祖諱從裕滄州清池令皇考諱察躬湖州德清令世德廉孝颺于河澨上之稱家風者歸焉嗚呼宗元不謹先君之教以陷大禍幸而緩于死既不克成先君之寵贈又無以寧太夫人之飲食天殛荐酖名在刑書不得手開玄堂以奉安祔罪惡亦大世無所容尚顧嗣續不敢即死支綴氣息以嚴邦刑大惧祭祀之無主以忝盛德敢用

特牲昭告神道號叫

臨海弋公阡表

公諱潤字天澤姓萬里以畢其辭云弋氏系出臨海出

籍汝州之梁縣者不知其幾昭穆矣大父整生二子長曰洪次曰海洪娶張氏二子曰祐曰福海娶潭氏公其所生子也弋氏自先世不異財公蚤孤能自樹立如成人人事從兄祐殊恭遜祐嘗以事客內鄉者二十年比還公殖產倍於舊祐歸求分居公謂祐言家所有皆父兄所積潤但謹守僅無損耗耳兄幸歸請悉主之潤得供指使足矣祐悔悟曰吾弟忠敬如此我乃為謔口所間慚恨無所及尚欲言分異耶乃更相愛友壬辰河南破公挈家避于西山山柵破公家亦被驅逐一卒見公稠人中請於主師云此吾鄉善士其縱遣之帥遣公舉家去是夜所俘悉坑之里社為空家公獨全親舊嘆曰為善之報見之今日矣明年春鄉郡遊騎遍滿公自度不能受辱乃自投水中得年若干實某年月日也元遺山

墳記式

常夫人墳記

韋夫人終成都殯萬年廷樞渭南祔而不合大葬未利以俟禮也其族系如某人之

誌 用元和十四年日子
某為石刻而納諸墳柳子厚

誄式

衡州刺史東平呂君誄

維唐元和六年八月日衡州刺史東平呂君卒爰用十月二十

四日藁葬于江陵之野嗚呼君有智勇孝仁惟其能用康天下惟其志可用經百世不克而死世亦無由知馬君由道州以陟為衡州君之卒二州之人哭者逾月湖南人重社飲酒是月上戊不酒去樂會哭於神所而歸余居永州在二州中間其哀聲交于北南舟船之下上必呱呱然蓋嘗聞于古而觀于今也 君所居官為

第三品宜得謚于太常余惧州吏之逸其辭也私為之誄以志其行其詞曰麟死魯郊其靈不施濯濯夫子故潔其儀冠仁服義干櫓詩書忠貞繼佩智勇承其綦跨騰商周堯舜是師道不勝禍天固余欺鬼神不怒妖孽咸疑何付之德而奪其時嗚呼哀哉命姓惟呂勤唐以力輔寧萬邦受 爾國維師元聖周以降德世征王侯伊祖之則嗣濟厥武前書是式至于化光爰耀其特春秋之元儒者咸惑君達其道卓焉孔直聖人有心由我而得敷施變化動無不克推理惟公舒文以翼宣于事業與古同極道不苟用資仕乃揚進于禮司奮藻含章决科聯中休問用張署讐百氏錯綜 光超都諫列屢息其囊帝殊爾能人服其智戎悔厥禍歎遑求侍盛選邦良難乎始使君登御史贊命承事風動海需皇威以致來總征賦甲茲即吏制用經邦時惟重器諸臣之復周官匪易漢課戕奏鮮云能備君自他曹載出其技筆削自任群儒華議正即司刑邦憲為貳糾妄肅邪諂諛具

畏遷理于道民服休嘉息疎若昵傷迓如遐實閉其閤而
撫于家載其愉樂申以舞歌賦無吏迫威不刑加浩然
順風從今無諱繇蠶外色我繭盈車雜耕隣邦我黍之
華既字其畜亦藝其麻鼙鼓斯屏人喜其多始富中教
興良廢邪考績既成王用興嗟步于嶽濱言進其律號
呼南竭謳謚北溢欺吏悍民先聲如失通租匿後歸誠
自出兼并既息罷羸乃逸惟昔舉善盜奔于隣今我興
仁化為齊人惟昔富人或賑之粟今我厚生不竭而足
邦思其弼人戴惟父善胡召灾仁胡懼咎俾民伊祐而
君不壽矯矯貪凌乃康乃茂嗚呼哀哉康不餘食蔽無
積帛內厚族姐外賙賓客恒是懸罄逮茲易簣僮無凶
服奠非舊陌嗚呼哀哉君昔與余講德討儒時中之奧
希聖為徒志存致君笑詠唐虞揭慈日月以耀群愚疑
生所怪怒起特殊齒舌嗷嗷雷動風驅良辰不偶卒與
禍俱直道莫試嘉言罔敷佐王之器空以郡符秩在三
品宜謚王都諸生群吏尚擁良圖故友咨懷累行陳墓

是旌是告永永不渝

嗚呼哀哉

維某年月日前進士虞九

里既克葬于高陽原二三友生皆致于墓哀其行之不
昭于世追列遺懿求諸后土申薦嘉名寔曰恭甫乃作
誄曰吳虞之分爰宅上陽其後優游在越為鄉延詔輔
漢恢定封疆東徙之賢時維仲翔曰預曰喜在晉克彰
義篤斯文有苾其芳書多能垂躍于唐洎于漢陽世
德以昌毘贊尚文休徽用揚惟我先君並詩翱翔洽主
記室蔚其耀光實契伯仲永永不忘漢陽元子實紹其
美傳襲儒風彪炳文史克恭以孝惟禮是履奪洽于鄉
論為秀士百郡之選叢于京師昧歿騰籍乘凌蔽欺生
之始至則奮其儀退默以謙人而隨名鄉是挈後進
咸推方出群類振耀于時福丁舅氏漂淪海沂俸計號
呼匍匐增悲喪有幼主禮或多遺孰拘于名而不是思
投袂就道乘艱若夷竭誠喪具申敬囊帷萬里來復祇
祔于墓遽不凌節儉而有度由其溫恭守以貞固行道

咨嗟觀禮興慕復從鄉賦煥發其華克不再舉聞于邦
家倚閭千里歡咏斯多姻族盈門載笑自歌君之不淑
名立志沮慶歸其鄉身終逆旅生死已間壽觴方舉賀
書在途委骨歸土哀歡易地吊慶交尸神胡不仁降比
大苦嗚呼哀哉惟昔夏首羈貫相親通家脩好講道為
隣既冠于祚思致其身升于司徒及爾繼年交歡二紀
莫間斯言愉乎其和確爾其堅更為砥礪咸去常絃今
則遽已吾其缺然嗚呼哀哉誅行謀謚惟古之道生而
無位歿有其號惟是友生徘徊顧悼爰用一惠幽明是
告温温其恭惟德之經先民有作今也是旌嗚呼恭甫
欽此
嘉名

行狀式

惟韓退之董公行狀如式開書餘並疏
始末於其下文体之異隨事詳酌焉

故金紫光祿大夫檢校尚書左僕射同中書門下平章

事兼汴州刺史充宣武軍節度副大使知節度事

管內支度營田汴宋濠潁等州觀察處置等使上

柱國隴西郡開國公贈太傅董公行狀

曾祖仁琬皇任梁州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人 階累升為金紫

光祿大夫勲累升為上柱國爵累陞為隴西郡開國公

娶南陽張氏夫人後娶京兆常氏夫人皆先公終四子

全道溪全素澣全道全素皆上所賜名全道為秘書省

著作即溪為秘書省秘書郎全素為大理評事澣為太

常寺太祝皆善士有學行謹具歷官行事狀伏請牒考

功并牒太常議所謚牒史館請垂編錄謹狀

貞元十五年五月十八日故吏前汴宋毫穎等州觀

察推官將仕郎試秘書省校書郎韓愈狀

唐故贈絳州刺史馬府君行狀

君諱某字某其先為麻姓當周之衰處晉為趙

氏晉亡而趙氏為諸侯其後益大與齊楚韓魏燕為六國俱稱王其別子趙奢當趙時破秦軍闕與有功號馬服君子孫由是以馬為氏拜太僕少卿疾病一年貞元十八年七月二十五日終于家凡年四十有五其弟少府監暢上印綬求諸贈贈絳州刺史布帛百疋夫人榮陽鄭氏王屋縣令况之女有賢行侍君疾逾年不下堂食菜飲水藥物必自擇將進輒先嘗方書本草恒置左右子男二人赦前左衛倉漕參軍敷右清道率府曹曹參軍女子二人在室雖皆幼侍疾居喪如成人愈既世通家詳聞其世系事業今葬有期日從少府請掇其大者為行狀託立言之故銀青光祿大夫右散騎常侍君子而圖其不朽焉

輕車都尉宜城縣開國伯柳公行狀

如韓退之式但多開州縣鄉里姓名

并年耳

曾祖善才皇荆王侍讀

祖尚素皇潤州曲

阿縣令

父慶休皇渤海郡縣丞贈蔡州刺史工部尚

書汝州梁縣梁城鄉思義里柳渾年七十四狀公

字惟深其先河東人夫其子恭父慈善行也拊循制

理能政也直廉潔靜儉德也拒疑獨斷明識也冒危以

扞牧圉大節也犯顏以陳訐謨至忠也有一于此尚宜

旌褒矧茲備休焉可以已固當飾以榮號章示後來而

故吏遺孤淪寓遐壤久稽彛典罪在宗屬敢用評薦奮

行敷贊遺風若乃揚孔氏褒貶之文舉周故秘書少監

公懲勸之法徵於誅謚則有司存謹狀

陳公行狀

五代祖某陳宜都王曾祖某皇會稽郡司馬

祖某皇晉陵郡司功參軍父某皇右補

闕翰林學士贈秘書少監某州某縣某鄉某里陳京

年若干狀公姓陳氏自潁州來隸京兆萬年胄貴里諱

京既冠字曰慶復舉舉進士為太子正字咸陽尉太常

博士左補闕尚書膳部考功員外郎司封郎中給事中

秘書少監自考功以來凡四命為集賢學士德宗登遐

公病痼輿曳就位備哀敬之節由是滋甚遂以所居官

致仕貞元二十一年四月二十五日終於安邑里夫其

忠烈之褒也相府之有誠也太廟之東向也昭陵之不

更其故也官守之不可奪也立言之不可誣也利之不

苟就也害之不苟去也其忠類朱雲其考類穎考叔廉

類公儀休而又文以文之學以輔之而天子以為之知

既得其道又得其時而不為公卿者病也故義者咸惜

其始而哀其終焉公之喪凡五十四日而夫人又沒毀

也夫氏之父曰偕司農卿祖曰某贈太子太保某故集

賢吏得公之遺事於其家書而授公之友以誌公之墓

謹狀永貞元年八月五日尚書禮部員外郎柳宗元狀

韓昌黎先生行

李翱前式大抵相類故止吏部侍郎

附見其目當意推之後倣此

沈公行狀

杜牧御史大夫清河公崔公行狀

司空尚書

戶部侍郎蔡公行狀

歐陽司封員外郎許公行狀

歐陽

永叔

文忠公行狀

吳

司馬溫公行狀

蘇

子

論行狀語錄

朱子語錄云韓文千變萬化無心變歐陽有心變杜祁公墓誌一件未了又說一件韓董晉行狀尚稍長權德輿作宰相神道碑只一板許歐蘇便長了

名號稱呼類

大行

李善文選註周書曰謚者行之跡是以大行受大名細行受細名風俗通曰皇帝新崩未有定謚故總

其名曰大行皇帝

禮記曰天子死曰崩諸侯曰薨大夫曰卒士曰不祿庶人

曰死

註異死名皆為人襲其無知若猶不同然也自上顛壞曰崩薨顛壞之聲卒終也不祿不終其

祿死之言漸也精神漸盡也

禮記曰天王崩告喪曰天王登假措之廟立之主曰帝音假

遐 莊子其死登假三年而形遐

辨證楚辭遠遊

云載管龜而登霞兮掩浮雲而上征朱氏註曰霞與遐同猶曰適遠云尔曲礼告喪之辭乃又借以為死之美稱莊子作登假盖亦此例但此篇註者遂解為

赤黃之氣釋壯音又讀假為格而訓至焉則其誤愈遠矣

禮記曰壽考曰卒短折曰不祿

注祿謂有德行任為大夫士而不為者老而死從大

夫之稱少而
死後士之稱

王父曰皇祖考王母曰皇祖妣父曰皇考母曰皇妣夫曰

皇辟生曰父曰母曰妻死曰考曰妣曰嬪

韓魏公祭式元遺山記其大畧姑錄之古人書曾祖皇祖

皇魏公易皇以顯字顯曾祖顯曾祖妣顯祖顯祖妣

顯考顯妣妻先亡曰顯嬪妻祭夫曰顯辟穆甫兄弟

曰顯穆甫

諸三品官以上職事官身故者若係親賢勲舊皆有司錄

奏取旨贈官

官職未至而特旨
追贈者不拘此限

諸謚職事以上三品散官二品以上從吏部勘當善惡仍

下所屬追取行狀關移禮部呈省聞奏若有旨議謚

即下大常寺擬謚訖申省議定奏聞

如有司不以時
降行亦許本家

陳請其官職未至而德行超異者特旨議之人亦准

此

古金石例云南京赤倉高太皇祖營作昭穆葬小兒子死共

葬一處謂之學堂小女共葬一處謂之綉堂別有

乳母墳師友墳師友墳以奠門客等

時忌字樣類

古金石例云不敢稱皇字與隧字

書碑額例

真字八分書謂之題額篆字則云篆額

今畧舉一二式附于後并撰書建立

附

夫子廟堂記

駕部郎中程浩撰

朝議郎判尚書武部員外郎瑯琊顏真卿書

朝散大夫檢校尚書都官郎中東海徐浩篆

唐天寶十一載歲次壬辰四月乙丑朔二十二日丙

戌建

在記後

重脩蜀先主廟碑

儒林郎前鄭州防禦判官提舉學校常平倉事武騎

尉尉賜緋魚袋王庭筠撰書篆

柳州羅池廟碑

尚書吏部侍郎賜紫金魚袋韓愈撰

中書舍人史館脩撰賜紫金魚袋沈傳師書

朝議郎桂管觀察大使試太常寺協律郎上柱國

陳曾篆額此與建立俱在碑後

長慶二年正月十一日桂管都防禦先鋒兵馬使

朝散大夫試左衛長史孫季雉建立

書碑陽例

蘇子瞻韓文公廟碑小字本後云軾再啓題于後

書碑陰例

後周尉遲迥碑在相下列云蔡有隣書并陰又寶刻叢編云漢劉熊碑

亦有碑陰

僧碑

論僧碑宜書不宜書柳子厚大明和尚碑陰凡葬大浮圖無窳穴其於碑不宜然昔之公室

礼得用碑以葬其後子孫因宜不去遂銘德行用圖久於世及秦刻山石號其功德亦謂之碑而其用遂

行然則雖浮圖亦宜也凡葬大浮圖其徒廣則能為碑晉宋尚法故為碑者多法梁尚禪故碑多禪法不

用施禪不大行而律存焉故近世碑多律凡葬大浮圖未嘗有比尼丘主碑事今惟無染實未涕淚以求

其志益堅又能言其師他德尤備故書之碑陰○宋景文筆記論僧碑不宜書

論碑文合書不合書

歐陽永叔陳文惠公神道碑

公諱寔前娶曰祀國夫人宋氏後娶曰沂國夫人王氏子

男十人長曰述古 秦公三子長曰堯叟為樞密使

同中書門下平章事季曰堯咨為武信軍節度使皆

奉進士第一人及第三子已貴秦公尚無恙每賓客

至其家公及伯季侍立左右坐客蹙躄不安求去秦

公笑曰此兒子輩耳故天下皆以秦公教子為法而

以陳氏世家為榮公之孫四十人曾孫二人合伯季

之後若子若孫若曾孫六十有八人女若孫曾五十

有四人而仕於朝者多以材稱於時嗚呼可謂盛矣

其文如此皆所宜

書者故備列之云

齊人曹元野云濟南李昌道作李千戶先營碑其間不書

李千戶之妻某氏只寫子幾人其妻怒元野添上說

知昌道公言不可書為婦人未終如何敢書婦人此

是前輩所傳如此

書銘陰例

唐相國房公德銘之陰

房瑄也 天子之三公稱公王者之後稱公諸侯之入為王卿士亦

曰公有土封其臣稱之曰公尊其道而師之稱曰公楚之僭凡為縣者皆曰公古之人通謂年之長老曰

公 唐之大臣以姓配公最著者曰房公房公相玄宗有勞于蜀人咸服其節相肅宗作訓於岐人咸尊

其道惟正直仁愛以成於德用是進退所居而事理
辨所去而人哀號理哀人哀人不勝其懷為文士趙
郡李華銘公之德乱故不克立今刺史太原王涯嘉
公之道猶在乎人人不忘公之道為之刻石王公
嘗以机密匡天子于禁中承公之道刺於我邦由公
之理又能尊公之德起遺文以昭前烈則其入為卿
士三公也孰曰不宜吾惧其去我也遽頌
書于銘之陰用永表於邦之良政柳子厚

蒼崖先生金石例文卷之五

蒼崖先生金石例卷之六

鄱陽楊本編輯校正

韓文公銘誌括例

自宦業俊偉者叙起而以世系妻子居後

朝散大夫贈司勳員外郎孔君墓誌銘

二十
六卷

自急流勇退者叙起次履歷家世而以死葬居後

正議大夫尚書左丞孔公墓誌銘

三十
三卷

自事契叙起次履歷家世子女而以葬年月居後

考功員外郎盧君墓銘 二十卷

先叙姓字三代次履歷而以妻子居後

崔評事墓銘 三十卷 清邊郡王楊燕奇碑文 二十卷 河南

少尹裴君墓誌銘 二十卷 國子助教薛君墓誌銘 二十卷

江西觀察使常公墓誌銘 二十卷 國子司業竇公墓誌

銘 三十卷 太原府叅軍苗君墓誌銘 三十卷 清河郡公房

公墓誌銘 二十卷 銀青光祿大夫贈工部尚書太原王

公神道碑 二十卷 殿中侍御史李君墓誌銘 八卷 朝散

大夫商州刺史除名 封州董府君墓誌 二十卷 秘書

少監贈絳州刺史獨孤府君墓誌銘 二十卷 檢校尚書

左僕射統軍劉君墓誌銘 二十卷 監察御史衛府君墓

銘 三十卷 河南令張君墓誌銘 三十卷 鳳翔隴州節度使

李公墓誌銘 三十卷 江南觀察使中大夫洪州刺史中

丞贈常侍太原王公神道碑銘 三十卷 司徒侍中中書

令贈太尉許國韓公神道碑銘 三十卷

先叙家世

與元少尹房君墓誌銘 二十卷 集賢校理石君墓誌銘

二十卷 河南府王屋縣尉畢君墓誌銘 二十卷 中散大夫

河南尹杜君墓誌銘 二十卷 銀青光祿大夫襄陽郡王

平陽路公神道碑銘 二十卷 故相權公墓碑 三十卷 柳子

厚墓誌銘 二十卷 昭武校尉守左金吾衛將軍李公墓

誌銘 二十卷 朝散大夫尚書庫部郎中鄭君墓誌銘 三十卷

二卷 朝散大夫越州刺史薛公墓誌銘 三十卷 中大夫陝

府左司馬李公墓誌銘 三十卷 虢州司戶韓府君墓誌

銘 三十卷 韓滂墓誌銘 二十卷

不書家世履歷而言丹旌之害

太學博士李君墓誌銘 三十卷

先叙死年月起

施先生墓銘 二十卷 登封縣尉盧敷墓誌銘 二十卷

先叙死者葬地

河東觀察鄭公神道碑文 二十卷

先叙姓名履歷而以三代妻子居後

試大理評事王君墓誌銘二十卷江南觀察贈常侍太

原王公墓誌銘三十卷幽州節度判官贈給事中張君

徹墓誌銘三十卷

無履歷可書者

處士盧君墓誌銘三十卷韓滂墓誌三十卷考功員外郎

盧君墓銘二十卷

僅有初筮可書者

李元賓墓銘二十卷登封縣尉盧殷墓誌銘二十卷河南

王屋縣尉畢君墓誌銘二十卷號州司戶韓府君墓誌

銘二十卷

叙文詞之盛者

施先生墓銘二十卷貞曜先生孟郊墓誌二十卷南陽樊

紹述宗師墓誌銘三十卷

自賜廟叙起

烏氏廟碑銘二十卷魏博節度觀察使沂國田公先廟

碑二十卷

自乞銘叙起

河南少尹李公墓誌銘 二十卷 袁氏先廟碑 二十卷 貞曜

先生孟郊墓誌 二十卷 庫部員外郎張府君墓誌銘 十二

九中散大夫少府監胡良公墓神道碑 三十卷

有誌無銘

登封縣尉盧殷墓誌銘 二十卷 襄陽盧丞墓誌銘 二十卷

河中府法曹張君墓碣銘 二十卷 殿中少監馬君墓誌

三十貝州司法參軍李君墓誌銘 三十卷 太學博士李

君墓誌 三十卷

述其妻子之辭 朱子謂別是一體此文之變

襄陽盧丞墓誌 二十卷 河中府法曹張君墓碣銘 二十卷

虞部員外郎張府君墓誌 二十卷 殿中少監馬君墓誌

二十貝州司法參軍李君墓誌 三十卷

法揚子雲造語 洪氏云朱子謂用字奇古

曹成王碑 二十卷

王臨川以為銘之奇者

試大理評事王君適墓誌二十卷故幽州節度判官贈

給事中清河張君墓誌三十卷

樓迂齋所取者

殿中少監馬君墓誌三十卷唐故河中府法曹張君墓

誌二十卷

賜廟碑體

烏氏廟碑銘二十卷魏博節度觀察使沂國田公先廟

碑銘二十卷袁氏先廟碑二十卷

郡王碑體

清邊郡王楊燕奇碑二十卷曹成王碑二十卷銀青光祿

大夫襄陽郡王平陽路公碑

公相銘誌體

檢校尚書左僕射統軍劉公墓誌銘二十卷故相權公

墓銘三十卷清河郡公房公墓碣銘二十卷司徒兼侍中

中書令贈太尉許國韓公神道碑銘三十卷銀青光祿

大夫贈工部尚書太原郡公王公神道碑二十卷

節度觀察刺史誌銘碣

河東節度觀察使滎陽鄭公神道碑二十卷鳳翔隴州

節度使李公墓誌銘三十卷魏博節度觀察使沂國田

公先廟碑銘二十卷江南西道觀察使贈左散騎常侍

太原王公神道碑三十卷又誌銘三十卷朝散大夫商州

刺史除名董府君墓誌二十卷秘書少監贈絳州刺史

獨孤府君墓誌銘二十卷朝散大夫越州刺史薛公墓

誌銘三十卷

御史卿監郎官墓誌博士附

殿中侍御史李君墓誌二十卷監察御史衛府君墓銘

三十卷正議大夫尚書左丞孔公殘墓誌三十卷國子司

業實公年墓誌三十卷中散大夫少府監胡良公墓神

道碑三十卷殿中少監馬君墓誌三十卷考功員外盧君

墓銘四十卷朝散大夫贈司勳員外郎孔君墓誌二十卷

虞部員外郎張府君墓誌二十卷朝散大夫尚書庫部

郎中鄭君墓誌二十卷大學博士李君千墓誌三十卷

崔評事墓誌 二十卷 大理評事王君墓誌 二十卷 集賢院

校理石君墓誌 三十卷 國子助教河東薛君墓誌 二十卷

州縣官誌銘

中散大夫陝府左司馬李公墓誌 三十卷 中散大夫河

南尹杜君墓誌 二十卷 柳子厚墓誌 三十卷 河南少尹裴

君墓誌 二十卷 河南少尹李公墓誌 三十卷 興元少尹房

君墓誌 二十卷 幽州節度判官贈給事中清河張君徹

墓誌 三十卷 太原府參軍苗君墓誌 二十卷 貝州司法參

軍李君墓誌 三十卷 魏州司戶韓府君墓誌 三十卷 貞耀

先生墓誌 二十卷 河南令張君墓誌 三十卷 襄陽盧承墓

誌 二十卷

處士誌銘

處士盧君墓誌 三十卷

幼穉誌銘

盧渾墓誌 三十卷 韓滂墓誌 三十卷

蒼崖先生金石例卷之六

